



處州府志

ル 5
1573
27



門五
1573
29止



處州府志卷之三十

處州府知府元和潘紹詒重修

藝文志下

詩篇

名流題詠巖壑增輝然不惟其多惟其工耳若列入
酬應之作及歌功頌德之詞則不免貽誚山靈矣茲
擇其尤雅者錄之以不能盡附各門也時賢篇什未
敢濫登

送縉雲苗太守

唐王維

手疏謝明王腰章為長吏方從會稽郊更發汝南騎按

節下松陽清江響鏡吹露冕見三吳方知百城貴

送姪式顏赴栢守張大夫召詩 唐高適

太守擊東吳吳塵不敢起吳人下山哭吳騎海邊死部
曲盡封侯輿臺亦朱紫當時有勲績末路遭讒毀轉旆
燕趙間剖符栢蒼裏弟兄莫相見親族遠枌梓不改青
雲心仍招布衣士平生懷感激本欲厚知己去矣難重
陳飄搖自茲始遊梁且未愜適趙今何以鄉山西北愁
竹箭東南美崢嶸縉雲外蒼茫萬餘里猿鳥亂啾啾朝
暮孰云已登臨多瘴癘動息在風水雖有賢主人終爲
客行子我攜一樽酒滿酌聊勸爾與爾惟一言家聲勿

淪滓

照水堂

宋郡守許尹

清溪自古流溪深不見底日照鱗甲生風行縠紋起誰
遣魚蝦來濡沫亂清泚招招彼舟子網此腥城市我雖
仙都遊不唾仙都地但欲向滄浪中流航一葦慎勿怪
使君使君心似水

萬象山

明知府朱葵

爽氣滌煩囂山空雲影淨登眺偶相過烟嵐四週映氣
象有百千極目未能竟峯態見青蓮溪光碧於鏡亭高
覽世際寺寒僧苦行村樹識民居莊嚴悟佛性還思東

處州府志 卷之三十一
土尊何似西方聖試結浮生緣爇爐致瞻敬

南明山

明學博 陸起元 四明

多病鬱不樂况復邁長夏開戶眺層巒南明宅其下夙
遊既已飫行吟俗所詫感茲秋載新年華忽萎謝我有
素心友願與值休暇出郭跨飛虹捫蘿陟危榭銜杯漱
甘泉選石相枕藉人生貴自娛爾我不相借米顛與屠
叟今昔齊聲價遺迹空復存人琴杳長夜達觀去住蹤
身名俱幻化嗟彼牖下人頭白營田舍

三巖

朱葵

山以洞壑奇每苦去人遠何如此三巖城闔共朝晚呼
輿度翠微石怒儼龍偃林杪落雙虹前騶驚欲返豈伊
虎豹叢精廬藏碧巘溪流天半來觸石流縵縵臨崖自
奔放百尺散琰琬山腹復空虛玲瓏走鼉鼉旣納扶桑
瞰流雲互赫烜洵哉可枕席亦可滋蘭畹昭對意無窮
杖策加殮飯石髓如相逢轉笑天台阮

濟川浮橋落成

金華太守 吳炯 漢陽

王政十二月川原成輿梁生民資利涉無復有褰裳後
世賢達者往往深徬徨自昔萬安橋閩嶠傳芬芳題宇
留碑碣詎獨愛文章功高足千古宇宙誰頡頏翳惟曹
太史鴻筆高三長一麾辭金馬兩典吳越鄉有功宏利

濟何營君謨襄環城枯蒼河空闊深微茫滙流并淫潦
奔突驚望洋往來當要衝病涉嗟民商縛筏資間渡浮
沉水中央距今五十年不聞起民瘡五馬蒞茲土惻然
重憂傷以彼厲揭苦亟爲解奚囊一錢嗟羞澁拮据殊
多方經營事興築民力各相忘功成期月間垂虹照波
光宛若聯大艦橫亘萬尺長熙攘咸懽呼相與樂康莊
以此濟物心慷慨自難量惠政無時無藉用報君王嘉
名千古同永永垂無疆

石門山觀瀑用康樂登最高頂韻 朱均和

謝公箕穎流特操耽幽棲蠟屐得洞天雙鶴頰清溪擬
追元圃遊對此爲階基披榛剪蘿葛宿霧暝欲迷方當
誇高標焉能分徑谿鬼物諒奪氣幽禽亦驚啼卓哉曠
世懷心與境不攜俯視囂塵中榮枯猶稗蕘孰知東海
偏秦鞭預驅排付與破荒手從此凌丹梯

又

殷雲霄

我官青田縣七度遊石門今來值歲晏况復積雨繁千
峯木葉脫萬壑水返源嗟哉此獨異草木一何蕃摘實
倚松柏寒芳尋蘭蓀蒼壁幾千尺飛流瀉其巔停蓄鑑
毛髮奔放類崑崙我實憐沉冥此可遠囂喧尋源濯我
纓拂石開我樽羽人猶霄漢佳期何由敦日暮且歸去

回首風雲昏

仙都山

李建中

巖巖仙都山肅肅軒后宮
巨石靈廣宅千仞凌高穹
肇當融結初全得造化功
深可盤厚壤峭疑載冥鴻
雲駢去路存丹鼎遺跡空
抽澗草心碧敷香蓮葉紅
升龍攀矯矯飛鳳鳴
嚙嚙而我集仙署嘗比瀛洲雄
星移婺女間夙駕浙水東
到覺毛骨爽生如羽翼冲
萬事皆氛埃一氣歸鴻濛
遐哉上聖道邈與元化同
金簡奠至誠玉書銘代工
功成解冠劍棲息期此中

又

李用勤

縉雲人

踏遍百六峯白雲要我宿
五十九名灘仙花香簇簇
湖鼎少人到蓮葉薰天綠
山僧惟守松不知夢蕉鹿
我來訪軒轅龍鬚草纏足
古洞半蟲書剔蘚遲遲讀

吏隱山

詹五迴

縉雲古名邑惟東有崇山
羣峯屹羅列一水相迴環
李侯築崇臺吏隱于其間
斯人不可見篆蝕蒼苔斑
我來訪遺跡臨風發長嘆
洗樽挹醪醪落日猶忘還

黃龍山

李普達

迢遞城西山屹立青芙蓉
林木鬱森秀石壁如崇墉
其
中有靈湫蜿蜒蟠蛟龍
雲氣常五色掩映梵王宮
願言

處州府志 卷之三十 五
沛霖雨四海歌年豐

謝公巖

許旣德 歙縣

山裂自何年劃開一線天小石屹如座大石覆其巔風
雨不得入斜月照苔筵石上箕踞誰笑看薜蘿懸或云
謝康樂今作巖中仙風流邁千古屐齒痕依然我欲賃
石屋與公分雲烟

石門嶺

明邑令 王在鎬 歙縣

此是登天路如何有人經羊腸幾千尺倒掛竅五丁日
亦至此憇雲亦至此停晚登絕頂上低視斗與星森森
竹碎雨濛濛樹交扇蠶叢不足道吾欲邀巨靈

曳嶺

王在鎬

如何老聃過何不挽其牛如何王喬過應將兩鳧收異
哉何仙人曳履而遨遊無乃白馬者從此赴丹邱鶴肩
非不高雲脚非不悠嶺出雲鶴上那得不拖留羽衣礙
難度靈裙邈爾修吾恐雲與鶴至此亦應愁

竹峪嶺

王在鎬

稠林塞磴道怪雲似噴人行者影滅沒陰森搏角巾木
學山鬼嘯霧爲猛獸蹲飛泉翻百道亂灑出深垠晴中
作雨色谷底聽雷振懸崖同腐木霹靂裂斷斷斗上復
斗下十步九步跋山水無苦惡苦惡彌堪親

白泄巖
王在鎬
剖破青山腹珠玉瀉萬斛掛作六月水飛爲晴天
雲遠望若白龍渴飲赴澗谷山水如幽人豈盡經品目向聞
五洩泉今乃得其六移之匡廬山又添一疋瀑

苦頭嶺

王在鎬

我行苦頭嶺遇一苦道流其狀野如鹿其髻大於頭十
年不巾櫛結坐此荒陬問汝苦何爾曰爲世人修此山
界兩邑豺狼所經遊自吾卓菴後泥丸塞其喉撮土蓋
成院瘠确盡墾疇苦樂復何計原非饑寒謀予聞汗泚
顏俯念自夷猶苦行雖筋力閒遨遠波鷗如我計升斗

折腰作沐猴心縮皆亂髮行止互卷蚪葉蟲不知徒佩
憂而編愁此山亦名苦誰謂日月休天地猶牛馬予輩
豈敢偷道人聞予說充耳豎兩眸一茶菴前別山下田
水悠

澄照寺

王在鎬

朔風肅寒威草木半摧落喜見松柏青山林未蕭索遂
爲郊原遊停輿登禪閣禪居斷俗紛幽閑有真樂鳴泉
振玉聲羣巒擁屏幙爐香浮晝氤清茗薄燕酌野目盼
征雲憑軒看巢鶴少憩覺心怡百慮俱忘卻顧余糜祿
人此心良自作何如鶴溪翁高志凌霄廓

景甯合特亭汪公革夫役十九韻

潘可藻

景甯人

力役古不免使之貴以時苟非法君子民困兼殍離吾
 邑彈丸城郭傍溪湄千峯出雲表壑畔幾町畦烟村
 倚林塢猿狖行相隨農家急官役跋涉廢耘耔鳩形越
 鳥道一步一嘔嘻老穉力不勝典質及犁鋤間有待哺
 家掩戶日啼饑泰山負民背其憊莫能支賢侯父母心
 哀矜亟撫綏始自下車日傭夫捐俸資斯弊欲永除通
 衢鑄禁碑窮黎釋重累一旦瘳瘡瘼力田麥雙秀植桑
 無附枝夏不糶新穀春不賣新絲遐邇歌善政銘勒人
 心脾德與邑終始何日可忘之卽諺成短章誌感非阿

私

遂昌翠峯院

明 王養端 遂昌人

吾觀出天維高凌拊雲岡盤空際飛鳥曠蕩極扶桑乘
 間一眺覽憑虛寄昂藏戀彼仙人迹渺然嘆荒唐衣傳
 禪月衲寺古貫休堂蜀尼旣好道豈復懼梯航不謂萬
 峯寂乃能見懸光梵語落秋壑天空元鶴翔經壇生象
 樹天花散幽香物變景猶昔時和遇自良慕此聽法者
 有懷從龔黃修修立萬仞吁吁見四疆望岱不在魯記
 峴還思羊古人重感遇不以風物傷所資豁塵况毋爲
 世徬徨歸路出松檜林深畱夕陽山翠不可拖蒼蒼照

衣裳惕然際斯遇解帶命霞觴佩以瓊瑤管寫之雲錦
章願言駕靈鷲扶搖行諸方

護法寺

葉夢得

蓬萊仙人好樓居飛騰十二鄰紫虛茂陵劉郎厭塵土
欲棄敝屣追霞裾栢梁建章上霄漢凌雲作賦憐相如
九關竟斷雷雨隔汗漫未可平尻輿百年玉椀在人世
白髮既老誰能除那知幽子三昧手坐斲一室巉崎岨
飛欄跨空繚千嶂下睨衆木森扶疎真遊已遠不易到
幽事僅足甯求餘我來佳處得咫尺崖谷更值晴烟初
超然更覺塵境絕脚底未怪鳴鐘魚

三架壇

明郡守 謝子襄

混元峯頭呼太白共觀御書遺古墨天風入表翠鴻濛
石屋半間仙窟室道人邀我遊仙蹤扳蘿緣路摩厓刻
煉丹井底龍雙蟠點易亭前鶴一隻鳥啼花落幾今古
俯仰乾坤吟不得天風氣清人更清似向蓬萊頂上行
日落長嘯下山去白雲流水秋冥冥

又

劉祥 青田人

萬古丹山寄仙跡拍入雲根細尋覓捫蘿直上混元峯
點易亭虛露空滴鶴從華表未歸來雲巢松頂生莓苔
巖邊頃刻花含笑天桃偏待劉郎開忽然靈籟清風發

兩腋颼颼竦毛骨憑虛呼嘯劍痕光遙望海門推出月

匡山行

李

畢

錢塘

仙人休吹紫鸞笙聽我一曲匡山行青蓮居士讀書處
至今石室丹霞明龍泉西南百餘里四面崢嶸翠峯起
先生結庵當畫圖正與匡山景相似屋前屋後皆種松
坐看百尺蒼精龍黛皮深含霜雪古鐵幹返走風雲從
一亭下浸蒼波冷縹渺烟雲成萬頃中有神魚長比人
翠鬢翻動玻璃影一亭上與浮雲齊碧欄干外青天低
分明投壺笑玉女彷彿出海聞金鷄東南一亭隱林樾
地位清高隔炎熱人間赤日如火流疎簞琅玕自蒼雪

最其秀者環中亭周遭千朶芙蓉清朝來爽氣落我袂
蘿風吹日天冥冥鶴怨猿驚歸未得繡衣今作青雲客
故山回首五情搖歸夢時時到寒碧自古山林鐘鼎同
先生况有前賢風少待功成拂衣去入門依舊山花紅

送楊大年知處州

宋

王禹偁

珠冠珥朝簪才堪值翰林重違君厚遇聊奉母歡心筆
削留停史囊裝貲賜金帆張浙河濶山對枯蒼深暫歇
趨朝馬重聞故國禽幽蘭南澗採壽酒北堂斟務簡慵
開閣家豐不典琴綵衣方侍膳紅藥卽共吟我占掖垣
久自驚年髻侵好賢兼罔極相送淚盈襟

初至郡齋書事

宋楊億

地去京華遠年逢旱暵餘羣胥同點馬比戶甚枯魚煦
嫗心空切澄清志莫舒焚絲殊未治錯節詎能除聽訟
棠陰密行春柳影疎賓筵求媿媿僧舍問真如踰月看
除日經時絕傳車素餐徒自飽投办豈曾虛盈耳嫌敲
扑堆牀厭簿書故園無數舍長日嘆歸與

到郡滿歲自適

迢遞分符竹因循度歲華地將鯨海接路與鳳城賒觸
石雲頻起銜山日易斜潮平聚魚市木落見人家吏隱
偏知幸民謠豈敢誇無嫌勾漏令且得養丹砂

贈處州奚使君

唐劉禹錫

吳越古今路滄波朝夕流從來離別地能使管絃愁江
草帶烟暝海雲含雨秋知君五陵客不樂石門遊

白雲山

明同知皇甫汈蘇州

春風行處盡始覺白雲深錫化無僧在鐘鳴有客尋花
溪遙隱壑蘿徑曲通林坐得浮生理悠然忘我心

又

王一中

本來無一物白雲猶較多浮游皆幻相真趣在巖阿日
暮忘歸路春遊是處窩呼盧浮大白醕酌欲如何
挾策耽幽勝羣峯入望明霧深元豹隱雷動蟄龍驚羨

爾探禪乘偏余涉世情白雲如有意去路幾廻榮

又

鄭縉宣陽

崔嵬萬仞壁鬱鬱鎖龍宮列嶂浮層漢諸山拜下風鐘
鳴蒼樹杪僧卧白雲中俯視塵寰界真成蟻垤同

劉山卻金館

明推官顧大典

華館抗崇林清風振古今高人敦素節精志薄黃金嶺
鎖秋風冷亭虛夜月侵宦遊當此地俯仰意何深

法安寺

葉夢得

共約來春會牙檣發畫船和風楊柳岸微雨杏花天故
國應攜手前途共著鞭吳兒看環珮珠樹秀嬋娟

南明山

明劉世懋青田人

游眺憩危亭峯巒列畫屏雲開千嶂碧蘿合半山青鶴
去松仍老龍歸水亦靈醉餘渡溪口蒼樹月冥冥

三巖

顧大典

洞啓三巖勝泉飛萬壑幽孤亭偏傍竹野寺易生秋雨
氣晴難辨嵐光暗欲浮叨陪幸多暇竟日此淹留

青芝田

皇甫汸

采秀凌丹壑攀蘿踐白雲仙源那可測巨室已中分劍
化靈猶在爐寒火自焚今朝看斗氣一爲問夫君

鼎湖石

樊敬縉雲人

萬丈丹梯迴巍巍帶紫芬孤峯環列岫迴地起層雲日
落台光近天空鶴唳聞不須嫌獨立山色共氤氳

小桃源

樊通

去郭二三里風光世不同人家青嶂裏鷄犬白雲中古
樹搖新綠清流帶落紅漁郎休見問迢遞武陵通

小赤壁

樊獻科

削壁入雲天凌空幾歲年石橋藏野艇幽谷瀉飛泉洞
隱諸峯合林深一鶴眠草堂歸路近明月半溪烟

桃花隘

朱葵

徑關山逾險雄圖鐵陣堅關河秦百二組練越三千俗

有桃源古谿餘花色妍淳風方浩蕩綠野自芊芊

竹峪嶺

宋沈晦嘉興人

三月亂山中崎嶇處處同溪流因雨漲木葉看霜紅人
跡千巖絕松聲萬壑雄幽尋自可脫不復嘆途窮

善因教寺

黃恭臣

吏役何時了登臨古寺中白雲風聚散黃葉水西東遠
眼輸山碧醜顏借酒紅宦情消素念到此興無窮

西屏山

葉永華

還眺凌霄閣開樽對紫微片雲依寺靜雙鳥拂簷飛野
樹供幽坐閒花點薄衣豪吟發天籟落日每忘歸

妙高山

齊鼎名 皖城

出郭探奇異言尋靜者居花光迷徑遠松影落牕虛法
侶舊相得詩朋興有餘清談供苦茗歸路暝烟疏

含輝洞

黃中 遂昌人

靈竅通溟海逶迤細入池映天開曙色輝日動寒漪潤
物渾無迹為霖定有期尋幽來洞口掃石一題詩

新嶺隘

項天衡 遂昌人

磴道盤空起行人曲折登春山全帶霧野客少逢僧山
僻虎留迹日暄魚上簷但從酒家宿客路亦何憑

清華古閣

遂昌令 鍾宇涪

古閣凌霄迥林深野興投穿雲千樹出帶日一溪流嵐
氣晴猶濕花香曙更幽虛舟吾意愜天地復何求

報願寺

齊鼎名

懶性偏宜靜禪房獨掩扉迸窗新筍長繞砌落花飛夜
月聞僧梵烟嵐灑客衣心清疑有悟春盡亦忘歸

香巖院

宋 潘景夔 松陽人

晚入招提路山風冷透袞寒鴉互分合霜稻半青黃習
訟傷澆俗思閑慰故鄉牧童如有感扣角唱斜陽

九姑山

李應春

未盡登臨興躋攀到上頭殘霞流絕巘明月映前洲龍

劍千年合驪珠此夜投翩翩逼霄漢高處不勝秋

薰山

程維伊

極目薰峯麗逶迤陟翠微經春溪長髮積雨石生衣壁
峭捫蘿磴林深隱竹扉仙橋何處渡冉冉白雲飛

淘洲川

吳銓臣

白雲侵竹隱綠水夾淘洲野火光連曙疎林響帶秋橋
崩磯尙在寺廢礎空留不奈溪流淺無因泛小舟

望京臺

季海

層臺百尺餘候煖葛衣初幽思詩陶寫閒愁酒破除花
隨春雨盡柳帶暮烟疎獨愛錦山色岩岩入紫虛

午溪

何逢源

躡屐度橋東穿雲入梵宮鐘鳴山影動磬響水聲通說
法蛟龍聽談經花雨叢上方閑話久歸路夕陽紅

沐鶴溪

鍾夏嵩

萬里長空月清波漾素輝蒼茫紅蓼岸瀲灩碧苔磯影
入孤城霽光涵遠樹微一聲瑤笛響仙鶴伴雲飛

萬象山

徐應亨

蘭谿

秋山秋水映遙空萬象森森入境中樺樹連雲環學舍
蓮花簇黛擁禪宮卽看旅雁飛斜日忽聽僧鐘度遠風
共指霞標桐柏近登高授簡憶興公

又

葛伯宜 上虞

崇山突兀俯東甌策杖來登最上頭四壁畫圖千嶂合
萬家烟火一亭收好溪雨過拖新練蒼嶺雲開結翠樓
指數洞天奇絕處不禁芒屨欲相求

又

鮑 枻 餘杭

何處高歌倒碧筒良朋九日陟晴峯咏清邊雁排空字
引滿江楓倚醉容蒼壁斷雲迷舊路荒苔凝雨卓新筇
朝來細數茱萸梗插過寒山十二重

又

郡守 劉廷璣 遼海

絕頂秋風更颯然青藤七尺笑衰年綠從東去河流細
白向南來塔影圓負郭雲開沙漠漠繞城露濕草芊芊
可憐廢壘荒臺畔一日人家一舉烟

擇山

張治統 燕臺

璿宇巍峩玉筍頭滿城佳麗鏡中浮翠巒雲鎖千層錦
墨沼龍蟠五夜秋斷碣餘書饒古蹟高文爍斗振時流
千年多少循良吏鐘鼓長歌李鄴侯

錦山春望

陳大鵬

遠近春游趁馬蹄好山如錦望中迷嬌含紅樹傳鶯語
秀毓蒼梧引鳳棲天頂摘星雲有路峯頭步月石堪梯
愁腸放得皆清境佛國何曾定在西

元勳祠

顧大典

乘時仗策奠華夷帷幄謨謀蔚帝師豹隱賸閑黃石畧
鴻冥終赴赤松期百年勲烈輝寰宇一代文章煥郁離
芹藻獨修瞻盼蠻煌煌宸翰照穹碑

白雲山

錢湛

兩度尋幽扣石扃雲迷山色晝冥冥沿街落葉臨霜赤
入戶諸峯過雨青洗鉢池中魚弄影散花臺畔鳥忘形
平分老衲烟霞趣不為逃禪學聽經

卻金館

許國忠

迢迢俞嶺數登臨仙吏由來此卻金孤館無塵遺素節

層臺有客寄高吟青山不改當年色明月常懸去後心
我亦勉為清白吏更從何處覓知音

溪雨亭

劉涇

塵土孤城空自忙不知精舍早秋涼林間曲折磬三里
天上金光月滿堂淨飯打魚剝老木寒灰添火爇明香
鵝鳩山脚溪聲好流入人間雨意長

少微山

辜景阜

誰挽銀河落九天奔流雲際水濺濺寶珠百斛飛空灑
瓊練千尋對座懸不雨亦驚簷溜急非潮偏訝浪花鮮
飛湍光若生江海仁有蛟龍捲霧烟

天甯萬壽寺

朱應鍾 遂昌人

北郭山迴麥隴斜碧蘿紅蔓記年華寒源樹映千峯色
古寺林開五月花游客未應忘色相老僧誰復具袈裟
絕憐太僕題詩處今日齋堂集暮鴉

石門山

周青原 武進人

迢遙匹練下晴空知有仙源委曲通四面林巒常帶雨
九天珠玉遠隨風何年巨手開青嶂盡日澄潭飲白虹
忽憶瀛臺深曲處飛濤噴薄五雲中

仙人磴

蘇守簡

峻嶒百尺倚仙磴仙子何年俯碧灣苔蘚已埋燒藥竈
竹林猶長釣魚竿九霄路隔丹書杳三月溪深碧浪寒
鳴鶴至今清韻在更無人倚玉闌干

陽谷洞

鄭文茂

洞口移舟獨上樓更從何處覓瀛洲空峒日透千山曉
絕壑風迴萬籟秋閒對修筠皆我侶試看題碣盡名流
因思人世同為客且喜韶光信白頭

混元峯

徐上成 青田人

誰將巨石峙巖從幻蹟端疑擅化工閱去春秋忘甲子
分來儀仗見鴻濛書崖斷字全侵荔挂壁疎藤半結蟲
極踞危巔雙眼豁振衣萬里起長風

仙榜巖

李鍵 縉雲人

絕壁干雲小徑斜一溪春樹半烟霞杖頭欲醉醜醜酒
洞口初繁桃李花懸閣空中疑島宇飄舟塵外即星槎
倘容姓字標仙籍隻鶴長空徧岱華

仙都山

劉廷璣

有客凌風下枯蒼枯蒼深處白雲鄉但看山水真幽異
一說神仙便渺茫鶴老不知人歲月松高曾歷代興亡
古今多少來遊者石上模糊字幾行

小仙都

李鍵

城市歸來憇此山移尊寂歷幾開顏雙峯曉色連雲度

列島仙人化石還洞口桃花春自在溪頭鷗鳥意俱閒
葛洪丹井何須問今古浮沉一嘯間

吏隱山

鄭汝璧 縉雲人

萬樹春光擁翠臺清罇閒傍薜蘿開高歌忽與浮雲會
半醉旋呼片月來林僻總堪中散侶賦成終愧大夫才
前溪遙送金波色為駐清暉倒綠醅

仙巖寺

宋陳汝錫 青田人

通幽一徑入松關縹緲仙遊尚可攀洞在白雲青嶂末
人行紅雨亂花間安排蠟屐登高去準擬詩囊得句還
更有苦吟陶靖節不容風月片時閒

梵巖寺

鄭世裕

一水縈紆十里山
梵王宮闕翠微間
樓臺隱隱紅塵遠
鐘磬沉沉白晝閑
雲護鉢池龍未醒烟
消茶竈鶴初還
老僧厭客頻遊賞
花外重門帶雨關

荆山寺

樊甫

纔過橫山又一山
春時攜伴扣禪關
十年遊宦非為樂
半日尋僧又是閑
石鉢雲生龍出躍
松林月上鶴飛還
相逢不說無生話
卻笑蕭蕭兩鬢班

崇道寺

應覺翁

登山無分嘆塵容
可是詩情勝酒濃
佛祖宮牆多百雉
仙人劍氣枉雙龍
幽期自與烟霞會
浮世不知江海重
忽欲穿雲參棒喝
便應洗耳聽搗鐘

淨巖寺

明詹雨

選佛由來別有場
山風二月送清涼
松陰貼地滿庭翠
花氣熏人百和香
醉動詩豪添酒力
閑因僧話逗春長
典衣且盡風光好
一任明朝天雨暘

景福觀

詹雨

懶搗元霜餌紫霞
試尋方外道人家
神仙窟在三千界
龍虎丹成九轉砂
春色滿懷金谷酒
清風兩腋玉川茶
醉來笑問東方朔
曾見蟠桃幾度花

卯山

包士登

山中紫氣護仙家門對青溪石徑斜
小有洞深藏日月大羅星近結烟霞
鈎簾看瀑鳧飛舄掃榻留雲鹿駐車
我憶元關將進酒羽杯流水泛胡麻

清華古閣

黃中

抱閣清溪樹裏來倚山樓閣俯山隈
春回花徑香風細雨霽珠林曙色開
白日雲腥龍欲起碧枝露冷鶴初回
投禪未解無生訣浪向人前說鏡臺

匡山環中寺

僧杞

四合峰巒紫翠堆小亭孤峙畫圖開
九天日月循簷轉

萬壑風雷挾雨迴檻外豹窺班著竹崖根蛇護綠英梅
紅塵孰識環中趣心與風雲自往來

劍湖

葉子奇龍泉人

宓子堂前萬柄荷並頭花發咲淩波
固資地力風神迴誠荷天恩雨露多
太史擬同瓜實瑞詩人咏比麥岐歌
幾回踏遍黃昏月一路清香送玉珂

桑溪

金信麗水

百尺橫拖烟渚迷孤舟入夜泊桑溪
四圍山色殘陽裏一簇人家淺水西
惹動閒愁投宿鷺喚回幽夢報晨雞
曙光纔動微微月又聽林間鳥亂啼

濟川橋

真山民 龍泉人

十二欄干百尺階登臨洗盡眼中埃
沙痕常與水吞吐橋影不妨船往來
兩岸樓臺隨世換四山圖畫自天開
槎邊今古無窮思都付東流酒一盃

又

元王毅 龍泉人

簾幕天香桂子秋白沙翠竹護中洲
平分風月雙溪水高摘星辰百尺樓
鑄劍空懷今古跡留槎不礙去來舟
虹橋可接天河路我欲梯雲汗漫遊

慈照寺

王錫倬

溪迴路轉落梅香載酒尋僧到上方
夜雨當窗山更碧

春風拂岸柳初黃法身漫禮莓苔像
禪室空留薜荔牆莫道龍宮久消歇
林端猶見白毫光

岱巖山

陳朝佐

岱石雙峰獨峭然遙瞻漠漠起雲烟
低飛洞口舒還卷澹抹林腰斷復連
地骨蔭涼秋雨後巖扉引素夕陽天
分明華岳仙人掌鎮此移來不計年

釣臺

鄭蘭谷

前溪不見鶴飛來片石垂竿尚有臺
古樹拂雲千載幻野花迎客一時開
只今渭水成烟漲况復嚴陵盡草萊
獨羨浮邱辟穀去仙風長共月徘徊

鶴溪講堂新成喜賦四律

景甯令 汪士璜 揚州

闢地誅茅構講堂好將桃李植成行
謾言耕鑿人情古須使詩書教澤長
輪奐光搖細帙影管絃聲帶藻芹香
泮宮鐘鼓欣伊邇木鐸從茲振一方

前對鴉山後印山鶴溪春水繞如環
無邊靈秀來天地應有文章照馬班
不信百年霑聖化終難一日振人寰
諸生莫負予辛苦起敝扶衰在此間

衣冠濟濟盡英才都為先生問字來
行李一肩天外至門牆數仞雪中開
燈光紅處聲千疊山色青時思萬迴
落筆有神堪倚馬懸知不用鉢頻催

山城無日不公餘儘可頻過課讀書
啟發最宜花放後推敲還愛月來初
階前子弟臨風立檻外田疇帶雨鋤
學校農桑兩無憾十年心事不曾虛

麗陽春曉

夏宗堯 襄平

曉望麗陽峯春雲淡亦濃
幾疑螺黛染臨鏡乍為容

巾山夕照

落帽龍山勝茲傳巾子名
毫光散佛塔卻是日西橫

白雲疊翠

一徑白雲林仍多翠黛
深層巒開秀色添作薜蘿陰

好溪夜月

月映好溪澄溪好月亦好清光一片涵夜色看誰飽

三巖瀑布

三山天外落恰復見茲巖最好鳴高瀑銀河落遠帆

少微烟雨

仙路雲蹤冷山光淡少微迷離自烟雨景色畫應稀

菱山

王宗茂

地迴雙峯起林幽翠色分亭臺依斷處花外度春雲

白雲洞

樊獻科

祠上千尋石祠前百尺潭停舟向烟渚日落碧山寒

石門山

葉子奇

結門雙石鎖秋烟雲派從天自古懸山下道人吹鐵笛

夜深聲落月明船

青城山

湯顯祖

萬仞飛泉挂石龍青城如霧洗芙蓉自非仙令鳴琴出

誰瞰秋窗玉女峯

廣仁院

周池

石泉飛玉出雲端剪剪輕風掠地寒寄語籃輿須緩進

欲留山色靜中看

清華古閣

朱應鐘

雙溪東下路猶長高閣平臨綠水涼下馬獨來當六月

不勝花氣逼人香

匡山清高亭

吳宗夏

一天爽籟入松濤萬仞匡山傍碧霄下視塵寰飛野馬
方知此處是清高

濟川橋

葉子奇

百尺留槎溪上樓山光水色共悠悠龍騰寶劍無蹤跡
閒倚欄干數釣舟

愚谷雜詠八首

明 鄭汝璧

愚谷從吾好茆茨取次裁百盤依磬折三徑就花開日
薄仙巖寺春深吏隱臺烟霞堪寄傲青鬢賦歸來

委巷稀塵鞅城居似遠村芰荷衣乍製松菊徑猶存晦
跡從牛僮閒情共鳥言平生饒野趣樂志仲長園

卜築家山半雙峯對草堂巖欹斜引磴松礙別開廊留
客呼浮白逢僧學坐忘陸沉徒復爾廣莫是吾鄉

烟樹澹空空春燈入夜紅下山花吐月醒酒石生風源
水行相引華胥夢欲通尊留餘興在取醉復牆東

此子宜邱壑端居養性靈室中一榻白竹外萬峯青種
葯供多病開尊笑獨醒元經慵罷草雙寂子雲亭

秋聲忽在竹行樂一窺園蛺蝶翻風細芙蓉裛露繁
初閒欲賦幽意靜誰論徙倚層臺望冥鴻萬里騫

為闢種瓜地因成選勝遊斗池虛納月竹徑曲藏樓振
策千峯響停雲萬壑幽黃花開正好與客醉籬頭
水竹自成居烟霞曲抱除泉鳴階下石花撲案頭書待
月坐高嶺看雲過太虛鄰翁曾卜夜谷口命巾車

仙都山

明 樊汝霖

谷口青山隔世緣桃花流水共娟娟前峯徑轉尋春路
近壑烟迷種秫田選勝不妨迴蠟屐探奇休問避秦年
清芬苒苒論天末恍接仙人鼎上蓮

戊戌春日登白雲山

明 鄭賡唐 縉雲人

招攜物外俯千山疊疊雲深曲曲灣竹籟流鶯和梵唱

松陰蒼鼠撼禪關觀魚不惜長生供檢藏應從最上刪

為指娑羅花未有卧雲長伴老龍蟠 白雲山福林寺有放生池顏曰觀魚

寺前有娑羅樹

久坐渾忘是福林香風細拂踏雲輕竿竿菴竹遮驕景
面面青山架翠屏樵斧頻侵松壑韻芋田初播午烟晴
何堪春日料花事又話吾鄉感慨生

霧雨過桃花隘

清晨出郭門天地何曠漭微雨忽然集飄風更淒愴衣
袂盡為雲陵壑平如掌客路咫尺深予將從此往踽踽
獨微行遙聞流水響投關且一息遇景遂成賞孑然顧

此身乃在千峯上

趙侯船

國朝朱球縉雲人

一石如槎卧橫絕古渡頭亂藤激洪波飄搖不繫舟夜
靜水寒山空如洗疑有異人遊於此我欲從之趙侯是
趙侯趙侯為何人爾名長在荒溪濱古來富貴有磨滅
斷碑沉水徒悲辛不如茲山一片石蒼苔月照千秋色

吏隱山

真隱久寂寞北山空移文為吏而欲隱無乃非其倫不
知曠達士邱壑在簪纓頽然高卧處一枕山月明至今
松徑下雲鳥猶傲人樵者空自舞漁者空自鄰從來桃

源路未許人問津

過故福昌寺有感

朱彰

寂寞前朝寺已荒重尋舊跡感滄桑空憐寶殿埋秋草
無復山僧禮梵王一片蛙聲留暮鼓數間禪院賸頽牆
斜陽漸落林梢去漠漠平蕪聽叱羊

遊正等寺

薰風扶我過籬東數里桑麻處處同松竹林高鐘磬動
隔園知是梵王宮

處州雜言八韻

郡守劉廷璣

城裏荒山城外溪可憐今剩幾殘黎十三年遇兵戈後

八文波同石柱齊官舍夜深曾過虎人家日午不聞雞
招徠半是閩中客代種三春雨一犁

不通車馬不通帆半在風林半在岳臘月有時衣尚夾
全家終日食無鹹謀生沙裏三斤鐵治產雲中數畝杉
誰信浙東有此地儘教淚溼舊青衫

荒涼滿眼費經營羞說三年政有成八九人充童子試
斗升米上訟堂爭秋常疊石修新堰夜旋陶磚補破城
最是一番心事苦枯蒼門外草縱橫

但可人耕嶺上田一層高比一層難連霄有雨溝全沒
幾日纔晴土又乾地已困窮偏信鬼俗尤頑梗不尊官

我今翻與諸君約只作兒孫一樣看

登高無地不淒然嶺下桃花另有天官貨偶來經麗水
海潮從不過青田吏人落落清晨散案牘寥寥白晝眠
聊以解憂詩共酒翻稱太守似神仙

俯仰山川憶昔時少微獨照一星奇布衣著作千秋史
鐵瓦功名一代師高下有情峯疊疊迴環不盡水遲遲
乾坤依舊鍾靈秀繼起英賢近是誰

簷前高柳一旗風破屋初添瓦一叢臨水幾枝修竹淨
隔離無數野花紅村中昨夜迎新婦市上今秋有醉翁
不怕催租人又到收成頗比去年豐

為邦自古忌因循獨駕熊車問俗頻曠是前朝開敞政
寇緣內地隱奸人桑麻但得農夫好蔬水何妨刺史貧
況有俸錢堪奉母與民同慶太平春

周浣初學使和劉在園太守處州雜言八首

問俗山城渡碧溪德聲早喜徧羣黎寒蛩夜月鳴機急
哀雁秋風築室齊棄地可耕頻買犢訟庭無事每聞雞
我來正值初晴好麥隴時時見一犁
行過青田到石帆危灘一路接層岳地因近閩聲多駛
水不通潮味少鹹瘠土征輸無粟米荒山租稅出松杉
獨宜物候長和燠十月風晴曳短衫

幾載兵戈駐柳營年來方幸樂平成溪無暴漲蛟龍隱
田有遺禾鳥雀爭商旅幾人通小市絃歌昨夜遍荒城
循良太守多清暇拄頰時看玉案橫
昔聞下邑征求盡欲問興除事事難市上瓦盆無處覓
井中石髓幾時乾喚咻近喜施寬政僻陋何曾識上官
自笑乘輶頻到此兒童羸得負牆看

西山遺澤已蕭然吾道興衰豈有天處士一星臨繡壤
名臣千古說青田就荒學舍新開徑懶讀書生莫愛眠
文運正昌風樸畧點頑何術比神仙

高館疏峯咏舊時飛泉最愛石門奇重來似泛山陰棹

處州府志卷之三十
到此曾參玉版師亭上紅紗籠壁滿溪頭青翰發舡遲
徘徊獨惜梅花早手折繁枝好寄誰
行李蕭蕭爲采風官衙惟見竹叢叢牆頭徧疊山光紫
堂上猶懸帳影紅遊覽未遑追謝客轉移深愧遜文翁
諸生莫嘆艱衣食

聖世行看慶屢豐

劉寵清名近可循郡中但覺頌揚頻早推才氣無雙士
已薦賢良第一人俗有澆淳皆可治官如爾我肯憂貧
朝來更讀新詩好煖氣先回黍谷春

石龍山

知縣 關學優

登山山岨肆躡石石嶙峋恍惚龍變化隨屈復隨伸龍
首昂百尺俯瞰城之闕龍尾曳千丈環圍河之濬有時
雲欲起石怒裂其根有時涎乍吐山淨溼無塵問松何
年種都忘漢與秦松老龍亦老片片垂蒼鱗豈知龍有
窟別開洞中春山石自今古賞識曾幾人

借章癖山遊石龍山

本府 張 駿
教授

松源授客館坐卧對石龍經旬沮霑雨但見青濛濛今
晨忽開霽游興乘清風出門占同人杖策欣相從曲磴
鎖蒼靄夾峙皆虬松孤亭山之半萬象羅此中羣山亦
龍族一一朝其宗載登梵王殿飯後罷撞鐘壺觴辦咄

嗟羅列肴何豐循環縱拳博炙輠交談鋒餘酣激仙井
甘冽開心胸歸歟發長嘯斜陽挂高峰

登羊山嶺

王元衡

高峰插蒼天標奇五岳外攀緣登絕頂始識乾坤大呼
吸帝座通彷彿聞仙籟俯看波洶湧百川若交會日出
萬象澄清風掃埃壘乃知非波濤下方雲靄靄

鏡潭

吳夢犀

選勝臨東郭霏微翠欲霑空潭澄玉鏡飛瀑散珠簾竹
閣褰書幌花村颺酒帘漫愁歸路晚林外月纖纖

蓮花山

吳自明

極目蓮峰勝清猿到處聞是泉俱作雨無石不生雲拂
席松陰合侵衣竹色分此間非捷徑安用北山文

迴龍山

紆曲千盤嶺高高雲氣涼崖泉翻雪浪石骨傲冰霜嫩
竹迎人綠飛花繞殿香清齋禪誦久歲月坐來忘

莊巖寺

寥落前朝寺香臺幾廢興祇聞還舊觀誰爲續殘燈經
藏無完帙齋堂有老僧仙禽誰說法不必問迦陵

萬松庵

陳觀德

蒼翠萬松色蕭齋掃俗氛鹿過花睡醒客到鳥知聞暑

日冷於月午風淡作雲未容僧獨占清景與平分

雙溪庵

知縣 鄒 儒

連日探奇百丈西筍輿曲曲度雙溪竹松青裏桃含笑
泉石聲間鳥亂啼閣峭自來雲作伴榻孤偏與月同棲
禪關深處塵緣斷欲結團瓢傍澗低

福善堂

吳南明

勝日郊原攬物華東山迴映野雲斜春歸陌上多芳草
雨過林間有落花徑繞溪聲通佛刹坐依松影見人家
酒酣嘯咏俱成趣移榻何妨就淺沙

九日補天閣弔楊公

姑孰 周之德

清霄雨歇應重陽一杖尋登木末黃萬井填城山缺處
雙虹負閣水中央愁聞鴻雁傳鄉縣忍見茱萸佩客囊
此日登臨懷作者祇餘新淚溼衣裳

學旁桃花用昌黎杏花韻

龍泉 許 田 莘野

舍旁廢圃菜甲空桃花一株牆角紅年年攀折誰愛惜
無言開謝搖春風半酣顏色殊嫵媚女兒粉面將毋同
此間俗子安足語一生荷畚勤農功好花刺眼不解看
斬伐常落薪樵中我行花下向花語植此不敵生寒叢
世間樹亦有遇合紫薇槐栢同青楓汝具僊骨悞墮此
造化戲汝須安窮繁英亂溷石梁側數顆小摘瑤池東

明年移汝種縣圃拍肩試問南山翁
渡聖潭登金鼇峰用東坡白水山韻
龍泉之山悉奇縱每獨冥搜恣吟弄茲峰鼻兀作天柱
忽覩雲雷起空洞日車奔逸手可捫風馬迴旋足難鞿
虛籟穿林仙樂長陰翳襲空嵐氣重境奇路險心眼換
豈類醯雞夸破瓮下有長溪嚙山骨水勢撼搖根欲動
脚手爬沙任僕先藤葛攀援罕客共馴烏栖樹渾無機
駭鹿覆蕉均一夢漸躋絕頂跨鼇背蛟室龍宮待吹送
鼇峰彷彿鱗鬣揚飛電撒空三伏凍靈鼉動地萬馬馳
陽侯鼓浪驚濤涌我欲鞭此金鼇拔地凌滄溟好逐丹

邱乘彩鳳

龍泉皆山田易旱旬日不雨農有憂色今日大雨

如注畝澮沾足爲系以詩

許田

黑雲蔽天天欲浮炎官火傘俄焉收霹靂一聲屋瓦震
投壺玉女光交流乍來雨似懸麻密修羅萬劫飛天矛
長溪舞蛟水起立狂飈嘯虎寒颼颼拂拭枕簟魂夢爽
洗濯草樹林塘幽旱苗勃興菜甲長覩茲生意舒羈愁
秩卑祿薄食指衆有書難煮恆含羞造物矜我田穀熟
一錢一石吾何求嗚呼安得五風十雨天下足椎牛報
蜡歌來牟

畚客三十韻

教諭 屠本仁

從官至山鄉往往見畚客其來自南荒

聖世

有苗格安插向內地一一畫疆場枯蒼浙東陬百年此
焉宅攀陟重巖艱依棲窮谷僻斫畚刀耕舉燒畚火種
蹠荆楚有舊風屢徙罔移易有田復有廬牛宮與雞柵
雖未列編氓久已供賦役生齒日以繁轉借山土窄開
墾有畸零樹藝無空隙輿丁及擔夫餘力耐勞劇笞辱
等人奴謀食不遑惜三五女負薪鬻市兩腳赤筠筒綠
擁髻布幅青搭額州人輒鄙之相視笑啞啞數典及盤
瓠傳聞自荒闢旄牛越雋連參狼武都隔遺種嗤戎羌

誕語肆譏斥范史姑勿引杜詩庶可撫古者五溪蠻大
族相接迹於今諸土司猶得通仕籍粵黔川楚交犵獠
蒙教澤卽此十縣間畚客且千百子弟秀而良亦足備
選擇字或識九千弓可挽五石以之充學童漢法不相
借大吏請於

朝準敕

恩光

赫令下郡縣庠五姓咸歡懌

雷藍鐘盆
婁五姓

吾試與之言蠻

音變格磔

康熙癸酉邑遭回祿劉在園郡伯捐俸賑卹賦詩

以紀

雲和
教諭顧之玫

春煦寒氈長苜蓿釜鬻羹在藿粥秉鐸屈指方十年
巖邑已遭三回祿居民鮮少無城闔寥落不盈數百屋
官衢一望半里餘編戶大抵皆茅竹茲更天災倍不堪
但聞婦子悲聲哭幸值蠲金太守賢恩膏充給災民腹
仁宰慈祥布澤同賑粟不吝均斗斛補救誰施造化功
撫恤輿頌司民牧君不見召父杜母至今歌不衰名光
史策家戶祝

雲和卽事

桐城 曾士藹

欹斜小屋欲傾頽但見山圍不見城出水蛙聲喧兩部
傷春蜀魄叫三更幾多妄念如雲掃無限鄉心對月明

陸氏有莊荒已甚令人重悔此番行
小雨纏綿透綠櫺春光過半未曾停閒書看倦常爲枕
遠岫周遭對作屏早起晴窺牕影白晚來風送草痕青
癡童頗喜耽疎懶折得梨花插膽瓶
夾岸青溪碧水澄編門多用草爲繩牢收犬豕防山虎
檢點雞雛畏樹鷹風俗猶存三古樸人文須待百年興
夜來比戶關門寢街市曾無一點燈
門首家家繫竹籬蓬頭結伴負山柴看他努力朝朝出
笑我遊蹤事事乖痛飲不辭愁極日繙書無地懶開懷
豬肝一片何勞送旣寓僧房卽用齋

荒涼佛像剩幡幢苑外溪聲似大江
蛺蝶成團依細草游蜂作陣鬧油窗
靜時促膝人三個燈下回頭影一雙
正在夢中談好夢無端殿上早鐘撞
節屆清明送遠鴻野棠白間杜鵑紅
漫天陣陣瀟瀟雨捲地村村面面風
租吏打門催舊稅老僧結刹課新功
從來不下窮途淚酒盞詩瓢况不窮

和曾太史

士藹

雲溪雜興

雲和令

林宏菴

環郭山如繡山明水復清
閒雲留客思香稻慰民情
威鳳誇文采鳴鷗愧政聲
吹將寒谷暖不禁看花行
爲憐茅屋苦思得厦千間鴻
集垣中堵牛耕郭外山著

花桃萼媚解籜竹紋斑斗酒青
錢百行沽往復還柴門書對句
春酒飲來醅天半霞成綵山頭
雪似銀放燈渾老少響爆送窮
貧負米村民至賣花兼賣薪
土俗還存樸年光今始正蘭香
知拜歲鵲噪喜占晴禮佛忙村
媪求蒙笑老生燈花開不夜簇
擁上街行

雲和雜詠用劉在園太守韻

邑令

宋雲會

四面寒山兩道溪溪山深處幾羣
黎除荒蠲賦

恩常渥破屋頽垣築未齊祇有茅
棚藏牝犢更無籬落隔鄰

雞佃田多是盤瓠種雨過夫妻盡
把犁

畚民係盤瓠遺種夫婦並耕雲

邑荒田多賴開墾

詩篇

賈客東甌逆水帆羣推力挽傍層巖何堪鹵蕪求多價
更訝灰鹽味少鹹地已窮荒惟產鐵山因煽冶半無杉
編氓苦作謀生計臘月風寒尙短衫

傳說當年列柳營高懸大纛凱歌成羣峰疊疊多鼙鼓

故壘蕭蕭幾戰爭康熙甲寅邑遭耿亂乙丑又有閩匪彭子英盤踞山谷永息干

戈稱樂土欲謀保障少山城官衙況是經兵火賃得民

居虎跡橫虎入署後園二次僅僕皆駭

近處陽和僻處寒農人力作頗艱難嵐噴曉霧晴猶溼

竹吸山泉旱亦乾升斗通融權倍息閭閻瑣細訴當官

不才嘗自稱鄉長明景泰二年析麗水浮雲元和兩鄉置雲和縣故自稱鄉長莫與

諸君一樣看

鳳麓登臨思悄然欲將生計問蒼天何時聚貨成新市

更得平山作美田俗借師巫驅鬼崇人憑峒客卜牛眠

畚民相傳為荆南峒蠻邑無堪輿多有倩卜葬地者地窮兼苦民風做漫道荒山

吏似仙

戊辰諸子掇科時雨占同袍此地奇王東里王桷皆浮雲鄉人宋紹興戊

辰進士素業無能追往哲青衿只顧作蒙師常懸絳帳登

龍寂謂學博日做琴堂問字遲月課諸生有已刻始至者

聖世恩榮重疊至殷勤屬望在伊誰

肩輿到處問民風搖落楓林屋一叢戶外新篁穿徑綠

峯頭野火射牕紅，裹鹽包飯樵山客。箬笠蓑衣牧豕翁，習俗無妨安樸畧。田禾且喜屢年豐。

三更吏治敢言循，每向中宵檢點頻。執法無私存故我，持衡有定在斯人。野無逋賦應稱富，官有薪資不病貧。况遇

明良新歲月，欣同萬姓祝長春。

留別箬溪士民

邑令 陳治策

謝病歸巖壑，踟躕意不勝。循良常自勉，撫字竟無能。五載居停慣，三春別況增。所嗟緣分薄，高尙我何曾。夙昔冰兢意，深懷曠素憂。紳耆時問俗，童豎喜鳴鸞。飲

水嘗餘味，攀轅劇自羞。魚溪兼鳳嶺，那不悵悠悠。

措大餘真癖，曉曉且自聊。情癡推淡泊，骨挺謝和調。賴

有豐年幸，兼之積牘銷。飄然徐引退，詩草付肩挑。

擊斷誠何事，鞭蒲亦少施。斯人吾所愛，此去卽長辭。積

聚知誰仗，縫紉勉自支。土俗罕知，蓋藏木棉稀少，貧民艱於衣著。顏山風雨

夕長此，屢離思。

壯歲傷牢落，文鑿古戰場。一官清是水，雙鬢白於霜。去

住情悽戀，關山路渺茫。驪駒初度曲，黯爾淚盈眶。

登獅山

雲和 孫駕鼇 訓導

策杖獅林鳥道盤，天開圖畫擅奇觀。峰迴仄徑藏孤寺，

石擁飛泉響急湍白髮江湖知已少黃花今古入時難
且將痛飲消塵慮醉把茶英興未闌

好溪權歌

朱上杞 麗水人

移來三板柳陰中青竹篙兒白篾篷知是上灘行不得
挂帆好待滿溪風

綠蓑換酒叩柴扉酌括灘清盡醉歸醉起卻歌山月小
鷺鷥白 白 夜 驚 飛

青田石篇贈林士元

韓錫祚 青田人

古文何微茫摹印乃其一秦漢統海宇符信走官秩燦
燦紫泥章咸用金玉質後世易以石工力簡且逸宇宙

揚晶光吾鄉最傑出盤曲谷口山計里無六七鑿竇欣
凝脂堆案過凍蜜其次雖闇淡亦足響鐵筆造化孕瑰
奇異端難窮詰磅礴氣有餘賢豪羣屢軼林居住山麓
松桂隱書室竹筧穿戶潤牙籤插架密仰天盼流雲時
復抱其膝嗟我行役歸相視歎累日舊時詩酒徒頭顱
半蕭瑟百年空鼎鼎談笑易相失鴻雁不能言臨風想
安吉瓊瑤重贈我分襟悵迅疾夢寐招斯籥一一共評
隲元和丙申人 君與余同庚 居族異軌律回頭東壁垂縹緲
無與匹

旗鼓山

青田逆溪行百里山有鼓枯蒼順流下旗山砥中柱驚
濤折東奔迴浪拍西注妍峭顯殊狀斜整峙兩澗拂目
搖龍蛇衝風颯薛魯逶迤雲盪空淵填雷散雨造物恢
端倪靈秀闢太古制器發天巧垂象豈人取側聞閩中
郡亦共嘉名譜縮地如有方排江列誰愈停橈夕陽岸
泛酒明月鳴羣真紛來迎侍從粲可數緩節黃姑奏翠
旒觴觴舞我醉懶欲眠請君息行部

記颶風

端木國瑚

青田人

嘉慶丙辰元中秋月初朔日夕天崢嶸箕曜奮芒角樹
頭鳥暗驚子母聞膈膊啾啾夜變陰月黑叫鷓鴣鬼車

羣復遊下向屋頭啄人家呼雞雛小兒入襁褓閉門滅
火卧重重掩閨閤夜半天刁刁鏗鏘碎檐甍大噫東北
來形氣莽參錯千家怖一聲高翼萬虎搏檐瓦發驟空
排內裂帷幙壁電橫搜人狂弩射飛雹圍木拔地起半
空相枝攫雨水闔扇流魚鼈屋梁落人鬼亂支撐仆地
鬪齒齧一家不相呼惶惶念老弱此時誰計生計生亦
索莫屋居半泥塗田園盡砂礫匍匐不暇啼面面相眙
睜肢體綴一身且自拾椽桷骨月完在眼漸復求藜藿
山城未見經亦未聞在昨隣舍販溫州竄歸創兩髀苦
說溫州夜風雨更狂虐謂風有衝道其力自相迫當道

衝車勾餘怒礮石惡高墉洞重圍殿屋發到腳碑石忽
斷頭鼉扇遭剝剝骷髏血磷飛破碎倒棺槨檣航拉枯
薺洶洶粉鯤壑江潮擁入城城根兀且卻時聞海壇山
窺見江燐燐有物鬪江中駢頭角山嶽掀揭裂天開火
珠赤烟爍雲壞駭西崩掀勢狀追捉一時礮礮光萬戶
恣較轆有何一將軍建牙動城郭瞋目叱鱷魚不足當
炮烙殷地折纛旗兵欄卷飛籜失據蒼頭中精銳猛銷
鏢平旦躍馬去不睨溝蚘蠖長官睢且吁連日如中瘡
簿篋自料理廨舍自塗堊租帖吏下鄉雞豚早摸索露
地無屋椽塞耳是民瘼余聞良可嗟此事非冥漠春正

月初一天腥野凍涸嚴霜殺麥苗山民食已薄今秋地
力殘非但無揪穫此咎定何致諒是官吏蠹吾

皇首

紀元殊恩被胎鷓五事甚修紀朝位布清恪當有和風
兩廣使民生樂甌枯一隘區嚮隅已苦數吾聞黃帝時
大風乃可繳鑿齒與窈窕一時皆擒割吹垢相風后天
下自清廓皇今道是天手自司橐籥山川風雨師
容何逢不若水旱有堯湯桑穀在殷亳災傷古非傷聽
卑天人格陰陽衆災異勿令諫牘削吾願貢此詞庶代
一士誇

太鶴山易冢

易字收仙蠹空山掃葉藏烟霞好城郭天地老金湯圖

緯秦坑外靈威禹穴旁枯蒼山趨為禹穴青田其旁支乾一峯狀人寬衣博帶左立靈

威丈人象也混元真冢頂松栝書蒼蒼

憶青田山作

江湖搖落憶吾廬客舍秋風逼歲除
鐙下常多新雁語
牀頭漸少故人書
龐公尚可尋
偕隱詹尹何從問卜居
谿谷日深歸路晚
恐無相識舊樵漁

秦淮海酒瓶歌

端木百祿青田人

白雲山人贈我淮海之酒瓶外質古樸中瓏玲云是姜
山脚下土中出土花斑剝莓苔青我聞姜山昔為權酒

處淮海風流杳難遇黨人姓氏蘇門留壓捺頭銜麴部
署酒星謫下栝州城淪落一官何重輕人為先生心不
平我謂先生生當濁世乃得揚其清嗟彼毒手亦可感
落職適成先生名不然此瓶久矣埋荒烟韜沈猶得形
自全何以造物年深不忍秘幾經歷劫仍復留人間令
人摩挲舊時物感遇弔古長流連君不見侯門當日盛
鼎盤金相玉質工雕鐫一朝勢敗落人手收藏終復羞
權奸即看此物出黃土顯晦雖細非偶然其中呵護有
神力醜質反藉高名傳我欲攜之南園去買醉照眼鶯
花趁姿媚但悲詩人已往如灰塵孤亭冷落南園春南

慶州府志 卷之三十一
園春老吟何苦嘯鳥無情花不語一自藤陰夢不醒溪
山風月今無主飲君酒聽我歌百年歲月愁蹉跎人生
難得朱顏醜鶯花亭外春風多有酒不飲當奈何吁嗟
乎有酒不飲當奈何

南田移居

宗

慶

百祿妻

栝蒼舊隱一年餘爲愛南田此卜居野徑鋤雲漆小圃
山泉分溜入新渠衡門僻靜堪消暑空谷幽深自結廬
數片桃花春後水無端招得武陵漁
移家宛在白雲巔寫入吟圖逸似仙棐几橫琴延月榭
春風歸棹載花船泉香最愛烹茶飲地僻偏宜選石眠

綠滿空庭經雨後階苔處處綴青錢

松門杉磴翠陰斜占住名山亦足誇宿霧初開盤谷樹
春風遙隔鏡湖花田園冷落淵明宅池館幽閒小謝家
獨坐竹窗誰破寂聲聲啼鳥自相譁

桃花嶺題壁

滿目嵐光撥不開筍輿扶我上山來深閨未識烟霞趣
祇解拈毫賦玉臺
遠宦歸來曲水濱妝臺才拂鏡中塵人間亦有鍾陵謫
千里雲山別遠親

郵亭驛路怕蒙塵喜見蒼山翠霧新十里桃源知不遠

阿儂亦是避秦人

貪睡了環喚不知燈前銀燭自題詩多情惟有天邊月
來照山齋夜靜時

枯州凍綠

端木順國瑚女

山城寒近製衣忙白地平鋪待早霜一夜西風吹綠上
可知青女妬紅妝

李陽冰城隍廟碑歌

吳世涵遂昌人

東入縉雲訪古碑李侯玉筋稱最奇活石千年瘦入骨
精光飛動蟠蛟螭城隍一碑尤古勁典型尙在蒼山祠
當年剖符蒞花縣仙都山下文旌馳使君廉能案牘簡

父老歡笑兒童嬉山城炎夏苦旱魃禱神設誓奠金卮
三日不雨當焚廟神亦懍懍聽厥詞風雨一夜甘霖沛
雩壇髣髴颺靈旗烹羊酌醴報神德鼉虺負碣來殿墀
文辭簡古埒遷固字體疎瘦參邕斯惜哉神物易變化
梭騰劍躍空嗟咨嶧山遭火蘭亭瘞此碑湮沒知何時
所幸鈎摹亦真蹟敲敲本是鵝鸞遺古釵倚物萬夫力
有鄰擇木何由追海舶攜此足禦颺定風聲價高鼎彝
我來廟中再拜讀摩挲光采猶陸離辭書與事足三絕
令人尤起賢侯思後來者誰好護惜勿令再沒荒山陲

仙都吟

卷之三十一

詩篇

詩篇

詩

我欲乘風駕巨艦東訪蓬萊與方壺神山縹緲可望不
可到雲濤烟浪空模糊近聞靈境在咫尺襍被且往遊
仙都初沿好溪抵下洋水光浮天青可娛移時艤舟小
赤壁石磴盤折路崎嶇磷磷攢紫石簇簇堆青蚨瓜巖
後若擁航石前若驅一巖蒼翠插林表有如盤膝踞坐
了髻之雛奴一峯突兀凌霄漢又如神鏡鬼斧百寶之
浮屠低頭瞰龍州仰首望鼎湖鸞翔鳳翥半空裏雲端
髣髴吹笙竽瑤池絳闕無由至但見懸厓峭壁倒挂蒼
龍鬚松森森兮雨滴壇寂寂兮烟鋪五老招手百衲跣
蚨潛虬踞象伏虎奔駒羣玉臺邊一回首白雲如絮迷

前途賈勇更入初陽谷石門低壓山之隅伏地蛇行數
十步豁然洞府開靈區憑欄細讀陽冰篆天風拂拂飄
輕裾路轉玉馱山邐迤至步虛後有金龍投簡之古洞
前有軒轅煉藥之丹爐乾坤異境非虛設幾人換却塵
凡軀須臾霞流綺紅日銜山墮飛鳥迴舟放棹撥菰蒲
驪龍出水吐明珠浩歌舟子聲于喁溪頭肅肅驚棲鷗
窮日一瞬世所詬應接未暇良非誣我今覽勝情不辜
歸來拍掌任叫呼不用萬里入瑤島此遊已足傲仙徒
乃知跨海求仙真至愚洞天福地何處無

桃花隘

廣州府志卷之三十一
馮公嶺上白雲浮桃隘重來訪舊遊一線蒼茫開古栝
萬夫形勢扼東甌林禽催客投荒驛村笛驚人入暮秋
兩到花源花不見黃蒿紅葉滿山陬

重遊石門觀瀑

栝蒼一郡千萬山水流屈曲山之間陡遇峭壁卽成瀑
一山一瀑聲潺潺石門高峙青田界山上寒泉迸萬派
海藏倒翻銀河決散落天風作光怪炎天飛電霽旦虹
練光劃破青芙蓉綃墮千絲泣鮫客珠傾百斛愁龍公
神湫瞬息有百變真覺摹寫難爲工茲山開自永嘉守
手劈蒼厓穿山溜遂令名勝擅浙東至今題咏徧巖岫

吁嗟栝郡山瀑多三巖筆架飛巨波縉雲瀑布高千丈
龍泉九澗如懸河平昌更有大樓巖隆冬冰柱高蹉峨
且如青田百丈澗亦復漱玉衝烟螺那似茲山當孔道
探奇時有名公過異境終須以人顯不然寂寞空山阿
朗吟對此長嘆息芒鞋踏徧巖前坡

由麗水還遂昌道中雜咏

杳靄烟嵐罨畫溪少微山下客初歸一鞭晚趁斜陽去
家在蓮城西復西
料峭西風渡石牛絲絲涼雨碧湖秋千家樓閣烟雲裏
盡日籃輿快卧遊

溪流旋繞亂峯堆中隔羣巒失溯洄轉過數峯溪復出
綠雲深處一舟來

峻嶺重重鳥道斜天光窄處衆山遮忽然嶺過重開朗
烟火蒼茫俯萬家

青疇百里帶平岡楓柏連村早得霜一路紅雲遮不斷
行人十月過松陽

自別家鄉歲又闌歸來重見好林巒溪山一一如知舊
到處捲簾要細看

卯山

真人樓閣鬱崔嵬縹緲靈壇絕壁開一室烟霞雞犬去

三更燈火鬼神來簫聲空渡天邊月劍跡難尋石上苔
羽客不還丹竈冷秋風林下獨徘徊

侵雲嶺

縹緲流雲半在天峒巖峻嶺與雲連行人已向雲中過
嶺樹猶看雲表懸一水厓前飛白練萬山足底湧青蓮
鄉關此去重回首多在層雲靉靄邊

重遊含輝洞觀太鶴丈題銘

太鶴山人昔共遊姓名題向石巖幽誰知老鶴摩天去
重有飛鴻踏雪愁仙侶驚心千歲劫琳宮回首十年秋
九原不作高文在悵望烟霞爲少留

南明山石梁歌

君不見飛仙構屋雲氣蒼琢削天柱流玉漿巨靈驚駭
五丁走晴虹萬丈墮落龍宮旁南明一山亘霄漢石梁
峩峩插山半乳泉飛灑碧苔裏厯劫雷霆劈不斷青天
白日毒霧霏山鬼猙獍梁上嬉乘風時作老蛟吼騰雲
或化靈虬飛我聞廬山三梁如三虹橫空界破香爐峰
又聞天台石梁數十丈仙者可度人莫上此梁突兀幾
千年鬼神守護藏雲烟廬山天台相伯仲豈與凡材碌
碌供雕鐫嗚呼不與凡材碌碌供雕鐫乃令終古棄置
荒山邊

追魂碑歌

李北海所撰葉有道碑也相傳北海刺處州時
夢中爲葉法善書此因名追魂碑一名丁丁碑
北海李公唐鉅儒生平篆隸邁褚虞却鬼未讀東方書
可憐隻字珍璠璣黃堂岑寂三更餘遊仙恍惚飄輕裾
莊周栩栩蝶蘧蘧中途豈意遭夔魑道人追魂如追逋
劍壇午夜飛靈符先遣六丁後壘茶黑甜道上相招呼
靈官匍匐推雲車藍袍金甲負弩趨采旗鈴蓋擎鬼徒
紫烟繚繞金香爐青童導入邠山廬是耶非耶天模糊
忽然大笑掀虬鬚金几玉案臨階除臯比座上氍毹

行波百幅當中鋪筆花五色架珊瑚墨瀋熊頭可濡
不覺起立卷衣祛拈毫伸紙忘辛劬腕底不作風霆驅
精心結撰何徐徐倏聞雞唱神赳赳怒怒丁字拋如珠
赤烏墮窗魂驚蘓怪事咄咄猶疑無那識羽衣來須臾
墨本攤出殊非誣能事乃被鬼揶揄道人何譎公何踈
遂令異蹟傳寰區豐碑突兀蒼山隅銀鈞鐵畫人爭摹
翰林六絕高聲譽後村之譏毋乃迂人間何物非子虛

太鶴洞天石歌爲端木文作

太鶴先生真知己生平一石而已矣先生得石意欣然
終日摩抄手不止石來因太鶴石降自茗溪精光貫星

斗奇采蟠彪犀當日先生注周易十年鬻舍下山側太
乙下視神鬼驚蟾宮一夜墮靈魄先生曰吁石來前山
人愛汝心貞堅錫之洞天號浴以清冷泉從今日在山
人側雪晨花夜同丹鉛吾聞媧石天可補先生此石乃
其伍曷不置諸泰岱之巔噴雷掣電興雲雨又不立之
江漢中流排突波濤作砥柱獨令委質閒散中豐功偉
烈何由覩石數雖已奇石心終不移攻擊非所畏雕琢
無由施長向精舍伴嘯傲天根月窟通奧窔潛德能參
造化闢元機獨闢混沌竅吁嗟乎先生有石德不孤石
歸先生真其徒石兮石兮爾其敬事先生毋他徂混元

處州府志 卷之三十一
之阜太鶴之墟先生終將挈爾以去兮而歸舍於疇昔
之易廬洞天清曠樂何如

景貞女血影石歌

戊午粵匪陷遂昌教諭景漁門妻趙氏女守姑死之守姑為賊

逼罵不絕口被支解於明倫堂左死尤慘事平全家旌卹如例至今陰雨血痕恐久而就湮歌以表之

署訓導 朱承鈺 海鹽

大錯可鑄六州鐵片石不磨一寸血井隨銀瓶甘破缺
妾胡貪生不引決父死忠母死節妾死父母死貞烈頸
可無頭口有舌賊不妾死罵不輟石氣陰森血痕熱火
再經石不裂嗚呼此石亦千秋血不消名不滅

畚婦

徐望璋 麗水人

衣斑爛履苴蘆薪擔壓肩走風雨覆髻筠筒綴石珠自
稱繁瓠我之祖面目瘠且黧鈎軛獠語何支離名稱更
可怪呼畚作畚終無稽耕不療飢歉歲仍賑災休問官
倉陳麻布單衣著兩層朔風吹壁寒欲冰熱來茅草蓬
蓬火促膝團坐温如春

處州府志卷之三十終

處州府志卷末

處州府知府元和潘紹詒重修

雜志

分門編輯各以類從若稗野記述故老傳聞閭閻瑣屑藉稽事蹟稍涉勸懲者以不類類之斯雜已說文五采相合謂之雜既云合矣則亦無庸區別強為附麗綴輯成卷猶他郡縣志之備攷志餘非中郎談助也作雜志

孫夙初母夫人中秋夜對月飲酒忽聞盃中有聲視之三桂子也種之俱茂生三子長曰夙初宋元豐三年

中進士第屢任郡守監司有政績官至大中大夫

宋建炎間丞相湯岐公未仕時讀書於南明山寺每夜有一小童來燃燈一夕來遲岐公怒撮其髻欲擊之髮隨手落童逃去及照地間皆松毛明日出山前有一矮松樹頂毛脫落與所撮髻無異始知此童乃松樹精自是不復見矣

清溪觀古鐘上有墨書青田字唐袁晁亂失其所在後温州府江島中時聞鐘聲一日有物如半鐘露水上迫視之或觸即沉州之僧道具香花綵舫爭奉迎不可得時清溪道士亦在眾中祝之曰觀中缺鐘鐘若

有靈願泝流而往眾笑其誕比歸鐘已在觀前潭中又祝之鐘漸就岸不數人挽而上墨書宛然不滅鄉老少聚觀即觀中舊鐘也或又飛去旬日復回後以大鎖繫之至今尚存

縉雲仙都山孤石撐雲高六百餘丈世傳軒轅遊此飛昇轍蹟尚存石頂有湖生蓮花嘗有花一瓣飄落至東陽境於是山名金華置金華縣出東陽記

縉雲縣仙都山產龍鬚草舊志云黃帝乘龍上昇其臣追之競攀龍髯墜化為草

唐開元間松陽葉法善以道術遭遇元宗時李邕為處

州刺史邕以詞翰名世法善求邕爲其祖有道先生國重作碑邕從之文成請并書弗許一夕夢法善請曰向辱雄文光賁泉壤敢再求書邕喜而爲書未竟鐘鳴夢覺至丁字下數點而止法善刻畢持墨本往謝邕驚曰始以爲夢乃真耶世稱此碑爲追魂碑舊以爲靈異歐陽文忠公云有道先生葉公碑李邕撰并書余集古所錄李邕書頗多最後得此碑於蔡君謨爲余言邕之所書此爲最佳也

宋遂昌廣仁院佛殿有邑人毛會者潛畫一婦乳兒於壁每夜有兒啼聲衆皆怪之一日會至院僧語及會笑曰若欲止啼甚易乃以筆添乳於口自後啼聲遂絕人以會之畫爲神筆

龍泉劔池湖尾深處有旋渦其泉脈與聖潭通舊有居民臨池滌甑偶流入渦中盤旋久之忽不見居數日有泊船於聖潭畔者見一甑自巖竇中浮出拾置船中反以語人始悟爲劔池居民所失之甑

紹興癸丑六月間龍泉下方人有林姓者年六十餘曉從稽聖橋上流漚麻遙見三人沿溪岸而下二戴巾一髻角皆黃布道衣前問林曰此處可涉否林應之曰橋下自有渡船髻角者於夾袋中取桃一顆遺之

慶州府志 卷之四
三人因登舟而往林取桃淨洗擘食投其核於水既歸厭厭若醉夢就枕熟寐妻子疑其病觸之使覺因飲之林卻而不食遂語妻以故自此不食數月顏采紅潤若有所得邑中有好事者引至其家使人守之雖更數日不見有餒容久之妻子苦其不事事強以飯食之自後飯食如常閱半載卒蓋所遇者異人託之以寄迹耳

宣平懿德鄉梁氏所居其地有小溪宋紹興癸酉夏中流湧起高二丈餘若柱然是年梁安世詣鄉舉甲戌登科至咸淳癸酉復然梁泰來詣鄉舉甲戌亦登科

成化乙巳春夏之交鄉民適艱食鄰邑四山中箬竹皆生米採之可療飢獨宣平山中爲甚多至于餘石

處州近甌海支港深闊舟船間有驚濤駭浪之異村岸有老叟夢一士人在水中抱青龍長丈餘且甚懼臨門求救叟引手撥龍龍去士得登岸覺而異焉以語其子明日正午颶風大作暴潮山湧一小舟碎於波間有人溺水持大青竹竿連呼救人叟出視之宛如夢所見者亟棹漁舟往拯之溫養良久乃甦曰吾建州張體仁也因適永嘉經此非叟仁心幾葬魚腹留旬日乃復常拜謝而去叟亦不言所夢張後登第仕

宦通顯遣人賫物往謝旋復本姓位九卿帥閩郡
何湛字叔存清河王曾孫也淳熙丁未赴省試館於三
橋旅邸揭榜之夕遣僕探候久而不至因率同輩登
橋聽卜駐足未定聞河畔婦人叫呼曰婆惜爾得蓋
吳人愠怒欲行打罵之詞俗謂之受記非吉兆也湛
獨喜亟還曰可賀我矣吾小名正爲婆惜衆皆喜方
買酒欲飲而報至果中前列

處州華延年入太學嘗與同舍聚坐齋僕報處州陳官
人叅齋華喜躍衆異而叩之曰往歲過三衢卜卦得
詩曰邨鑑總龜如住學未見才名能廣博希點若來

叅學時同年從此不須疑今陳君正名希點茲來其
有同年之兆乎果以淳熙辛丑同登第希點名在第四

夷堅
志

麗水商人王六七平日奉事僧伽大聖甚謹雖出行亦
以畫像自隨旦夕展禮一日販貨至衢詣市驢趙十
三家所賫至三百千爲趙侵用久留索取未得時時
忿罵趙但異辭遷延一夕以酒醉之與妻共扼其喉
而致之死納於戶節內趙恐遺物招累捲客所攜佛
像并餅爐俱寘節內候夜半欲投諸淵將出戶有僧
人數人繼踵來懼其見爲之少止良久再出遇僧如

初凡六七次天且明不顧徑昇至江濱爲鄰居姜一
所執欲開視不能隱乃告以實賂以五楮券姜不聽
欲鳴於官趙夫婦哀祈復增十券乃已是日姜不買
豬卽歸持券易錢其妻疑之懼事敗累已徑赴官首
津邏擁王尸於水中其像題志甚明西安縣遺牒質
會得實趙伏辜始驗諸僧示現皆僧伽靈變所顯也

夷堅志

徐陵字孝穆爲吏部尙書年數歲沙門寶誌摩其頂曰
天上石麒麟也嘗聽智者講經因立五願一臨終正
念二不墜三塗三人中託生四童真出家五不墜俗

僧後至唐貞觀生縉雲朱家年十八將納婦路逢梵

僧謂曰少年何意欲違前誓因示其五願少年聞已

卽往天台國清寺投章安法師咨受心要證法華三

昧號智威禪師

僧傳統紀

萬厯戊午秋侍御李公宗著爲孝廉時北上訪友遂昌
少佐資斧計叩城隍神獲籤有此去化龍知有日之
句轉而問來春消息依然前籤公竊心喜第尙有磨
練苦煎之語則又心畏爰發一願以求解脫至杭果
爲病魔所困夢神來蔭庇頓有起色竟爾淹留迨壬
戌公始得第方悟知有日爲遲之之詞也及奉簡書

入越乃齋宿遣官設醮以畢前願題排律以紀不朽
云匹馬孤裝達帝州經過昌邑亦何求人情卻笑日
中雪世事頻看水上漚傲骨前驅旋作恙齋心夜夢
覺全瘳分明神聖慈仁渥恍惚官曹翼衛周異日龍
騰先示兆來科豹變果徵休不緣玉闕邀佳祉那得
瓊林快壯遊戴德有懷伸一報留題紀跡耀千秋洋
洋赫濯真如在護國還期蕩虜酋

萬曆己亥知縣段宏璧蒞任抵龍邱夜夢有遂昌姓尹
者來謁及下車過尹起莘先生祠見神像恍與夢符
遂捐俸葺之

萬曆癸巳遂昌多虎患知縣湯顯祖禱於城隍之神夢
神告之曰觀樞密公意何如因立滅虎祠於報願寺
之內初疑樞密公見夢必平昌有此神人也閱志張
公貴謨起家教授後以吏部郎陞樞密叅院樞密公
殆是耶欲追祀之社會有言曾論朱紫陽偽學而止
後止稱樞密公
而不以張實之

萬曆末年痘疹流行患者恍惚見一女子曰我馬夫人
祀我卽吉因遞相供奉無不獲福競捐貲建廟祀焉
下有被麟橋凡祈禱輒應皆以馬名其子云卽景甯
鷓鴣村之護國夫人也

天啟丁卯知縣胡順化子孝廉懷北上至病劇夢五人
力為救問之言在遂昌縣前公聞子病亦詣廟祈禱
得吉兆慨然許新廟不數月而好音至甫下令鳩材
是日廟忽崩頽四圍榱桷盡折獨神像巋然因就舊

地式廓之俱舊志

麗邑見存古刻盡載李金瀾學博栝蒼金石志中考宋
王象之輿地碑目收麗水唐碑五未知存否錄以俟

訪刺史李鋁送行記正元中李為刺史朝士之贈好行者二十三人石刻今存

道廟碑在麗水縣東十里唐大中十年刺史段成式作廟記今存唐青田縣尉楊

光千作隱難記在麗水縣北六里之東巖唐贈歙州刺史葉公

神道碑李邕撰韓擇木八分書其石運自雪川擊之鏗然有聲今在麗水縣北一百二十里沖真

觀陳松司馬墓碑在麗水縣西四十里郎其山下碑及銘記並任省公文案東

巖及沖真觀地今割隸宣平刺史李鋁栝蒼彙紀作
李鉛得此可正其誤

葉夢得吳縣人見宋史府縣志俱誤以為松陽人浙江
通志於人物門曾糾其失而選舉門仍襲其訛案石
林避暑錄話云已酉冬避地將之處州道縉雲欲游
仙都聞潰兵入境遽止云云其非栝人似無可疑而
宋潛溪麗水葉府君墓碣云葉氏世居松陽卯山宋
初遷麗水水東里至崇信軍節度使贈檢校少保夢

慶州府志 卷之
得始以經學著稱世稱石林先生者也府君先生十
世孫云云信然則又爲麗產矣疑潛溪因人家狀書
之未嘗深考致有此誤且集中多有僞作難爲確證
也

王琮三巖詩云閒攜一壺酒來對雪巖斟秋老瀑飛瘦
石寒雲宿深坐無僧共話行有鶴隨琴此處儘不俗
令人生隱心宋詩存小傳云琮錢唐人紹興間嘗避
地居括著有稚林小稿

陶宏景對謝中書啟云高峯入雲清流見底兩岸石壁
五色交輝青林翠竹四時俱備宋錢唐吳說處州山
行詩云方隨碧澗落忽在白雲端樹密晝猶暗山深
晴亦寒皆善狀山中景物者也

林霽山景熙登處州城詩寒芒曾動少微星一水溶溶
疊嶂橫落日漁舟吹遠笛斷煙戍屋帶荒城沙鷗欲
近始招隱關樹無多亦厭兵却憶鶯花亭下路太平
簫鼓沸春聲考今城建於元總管幹勒好古霽山所
詠猶宋代故城也

明正德中分守參議耿定兵備僉事王晟禦山賊陶得
二死於破橋勞堪二忠祠記作周坦俱宣平境晟子甫六歲聞變欲
往尋父屍以戒嚴不得出哀號墮城死夫創痛殞生

既不能援國殤之例馨以俎豆又不獲於隔代之後
護其瓦棺而冲齡純孝哀動人天附書於此庶後之
覽者興憑弔之思焉

郎仁寶七修類藁云王禹偁當直賦新月詩限敲梢交
韻詩曰禁鼓樓頭第一敲乍看新月上林梢誰家寶
鏡新磨出玉匣參差蓋不交余忘年友處州王義中
少時同余夜坐因新月語此詩明日王呈一詩云風
外空傳藥杵敲雲邊惟見桂枝梢定疑今夜蟾蜍小
含出明珠口未交余訝之以爲他日必成大名惜爲
弟子員不久下世至今夢寐思之案義中不知何縣

人書以俟考

白巖彌陀庵有乾隆三十二年碑云本都衆等奉前任
梁主檢充虎兵捕虎除害屢捕虎隻呈送府憲蒙諭
准免雜項夫役云云是時距耿逆之亂九十餘年而
人烟尙未稠密故猛獸得以窟穴康熙中劉在園太
守詩云官舍夜深曾過虎山村日午不聞雞又云虎
當官道鬪猿上驛樓啼皆紀實也今則休養生息多
歷年所叢箐深林悉經樵采歷歲不逢虎跡矣
處郡十邑之水除慶元半入閩江景甯半入青田青田
徑入甌海餘皆滙於麗邑經城東佛頭巖以入青田

巖有峭石橫截中流甚雨則難於宣泄故時有水患
南明山高陽洞有磨崖刻云紹興甲子丙寅洪水暴
漲約高八丈人避於樓死者不可勝計云云蓋紀異
也近歲諸山經棚民墾闢土質疏墳蛟水驟發挾以
壅溪患且有甚於昔者不知有何通變之術

桃花嶺跨麗縉二邑之間紆回五十里爲甌括赴省孔
道儀徵阮芸臺相國撫浙時於銀場俞嶺之交篆刻
括蒼古道四字於石壁或云古道由郡北稽勾嶺出
武義後以路險改從桃花嶺土人由舊路至金華可
省一日程今考桃花嶺卽馮公嶺葉水心馮公嶺詩

云馮公此山民昔開此山居屈盤五十里陟降皆林
廬宋代已作爾語則此稱古道無可議者從稽勾嶺
者蓋土人別開捷徑耳宋劉宰翁卷元陳高許謙俱有馮公嶺詩道光十
五年陳鏡帆學博於龍壑口嶺伐石通道磨崖刻古
括蒼道四字未爲得也

道光二十六年六月於小白巖訪得宋林處士墓碣龍
泉何澹撰不著書者姓名審其筆勢與澹書應星樓
郭碩人二碑相似知卽澹書也處士名端字大方爲
架閣林椅之父椅著周禮綱目八卷見直齋書銘解
題碣言處士習易禮則椅於禮經乃其家學矣久什

水次村民搗衣其背未經摹搨故鋒稜完美如新脫手亟留他石置水次而遷碣於麗學鄉賢祠中

陳直齋書錄解題括蒼志七卷教授曾賁撰乾道六年太守四明樓璩序黃虞稷千頃堂書目括蒼志補遺

四卷樓璩撰此括郡地志之最古者次則陳百朋括

蒼續志一卷亦見書錄解題陳嘉泰間人何振卿括蒼彙紀序溯郡

志源流舉陳而不及曾樓疎矣序又云紹興間始為括蒼圖經亦不言誰

此外若元梁載處州路志明鄭宜郡志補遺劉宣

成化處州志何鏜括蒼彙紀萬曆乙卯修葉志淑續處州

府志萬曆癸卯修王一中崇貞處州府志明正德十六年張柬之兵備藏

書碑有處州府志八本此又在成化之前不知何人所撰

國朝張元樞順治處州府志劉廷璣康熙處州府志曹

掄彬雍正處州府志今所見者惟何葉曹三書而其

中惟何氏多有可采餘皆黃茆白葦耳宋史藝文志括蒼慶元志

一卷邵筍撰此乃慶元縣志冠以括蒼者以別於明州之慶元也浙江通志入之處州府志類中誤也

浙江通志載雍正麗水縣志畧一卷蓋時方編輯通

志官吏奉檄塞責之作不足為典要故書亦不傳麗俱

志按麗志三書今經兵燹惟曹書僅存

韓錫胙行狀補八旗教習登順天丁卯科賢書時有朝

鮮使者恃其博辨欲屈中朝文士假求詩遍謁院監

所至之處論難風起大司成鄂公命錫昨應之縱橫
往復對語終日其人遂屈鄂公上其事

恩賜賞四子書盛京賦各一部以小臣得邀

御賜誠異數也青志

劉念臺先生紹興府鄉賢考次縣學崇祀餘姚存疑內

有宋知縉雲縣事莫公當郡志無考劉子全書湯志案莫公枯蒼集

紀府志舊志均不載

主簿單公祈雨感應記至正甲午十月縣學教諭朱安
道撰邑士宋壽之行書青田鄭綱篆額縣尉施宗浩
立石甲午為至正十四年朱安道彙紀舊志均失載

宋壽之見官師表邑人任縣學訓導又見至正二年
儒學復田記施宗浩彙紀官師表縉雲縣尉內無名
明洪武初縣丞有施宗浩邑人由人材任又選舉表
明辟舉有施宗浩進賢知縣當是在元任本縣尉明
初任縣丞後乃官終進賢知縣耳鄭綱彙紀青田志
不載碑為縉雲主簿單郁祈雨城隍神獲應重新廟
貌而立單君舊志失載碑即李陽冰篆書修文宣王
廟記原石為僞楚磨去刻此碑者也今篆額左有有
唐二字陽冰篆文尚存

縉雲掘地得碑有篆書公子少年行云少年公子出皇

都馬上相逢倒玉壺笑語道旁耕稼者夜來風雨損

花無並不誌其年月姓氏

孫炎題好溪圖詩云好溪水生玳瑁魚朱彝尊惡溪詩
云中有玳瑁魚可以薦嘉客

左庫盧松貴咸豐辛酉戰沒於寇越七日寇退其子歸

殯見家所畜犬守屍旁他皆無完膚惟貴獨全既葬

犬遂不食死於墓側

俱縉志

堰蛇蕭梁時詹南二司馬築堰於松陽溪上引流溉田
功久不就遇一老人曰過溪見異物即其地也如其
言見一白蛇橫亘中流於是循其波痕以築乃就

白龍瑞見夫人姓周氏未笄時至江邊汲水得一物如

日香美感觸掬而食之蓋龍精也有孕父母惡之夫

人誓於天日奔走巖穴以自絕於人世既而生一兒

夜則求乳日則去夫人曰兒其妖也兒曰子白龍也

帝遣之託生於人兒變化異於他龍日司巖洞夜飲

形來夫人以為誑願示之形蜿蜒倏霍風電震赫夫

人驚死晉時松旱縣令陳時禱雨於百仞山忽見白

龍見於山上大雨如注令上其事更名為白龍山縣

亦因之立廟祀夫人為龍母廟又名太婆廟蓋因鄉

人稱之旱仍禱焉

俱松志

宋周哲字孔曾原籍揚州江都任遂昌學陞處州府學教授因疾復居遂昌西郭與異人章思廉善既歿思廉屬停棺東廂閉門七日啟之而黃蟻哺泥護棺隨壘爲墳思廉斜插華表於墓側係以鐵砵石礫搏成且曰華表直我當復出康熙丙寅洪水後華表漸直邑人異之

關川石練獨山舊祀蔡相公之神康熙己丑山賊彭子英流寇鄉里將至鄉人禱於神忽空中有黃赤旗幟隱見賊疑爲官軍懼奔去得免蹂躪時鄉人多有見者

隋尹真人大業中煉丹百丈崖溪西山巔丹成舉家飛昇今勝因院其故宅也迨宋龔侍郎原作勝因院記頗詳其事後原守揚州有道人謁原題疏欲得錢萬貫原如數與之道人至和州創宅買田置器具交易標記悉作龔侍郎名字後原謫和州道人來請入宅云田土器具皆公揚州捨錢所置或云道人卽尹真人報其作勝因院記云

五代貫休號禪月大師常結廬於唐山居十四年夢異人授以寫梵相十八尊者像獨一像未就異人復教以臨水爲之師卽此像後身也及應吳越王召獻詩

有云滿堂花醉三千客一劍霜寒十四州王請改爲
四十州師曰詩亦不改州亦不添蓋先知所據止十
四州也後去蜀蜀孟氏二女尼欲游天台師教之來
唐山謁尊者至則象尊者皆現身尼乃告其故及返
蜀見師述所見師曰信爲諸佛之母汝能信則種種
應期而現宜再往勿憚後三年復至獻袈裟鉢孟蓋
橐各十六事而歸

俱遂志

彭文勤

元瑞

爲乾隆間雲和令彭君

元璋

之弟彭君尹

邑時文勤同之官後提學兩浙按試處郡以前黃後
緣賦題試士衆不知所出比揭曉文勤因言在雲時

所見如此蓋前溪因淘沙水黃後溪水綠括蒼金石
志王尙忠福勝廟碑跋但稱邑有前溪黃後溪緣之
謠不知此語實昉於文勤也

道光癸巳歲雲和人天台教諭魏精重游泮水其子文

瀛時以孝廉出宰雲間遐邇名賢賦詩紀事錢塘孫

筱蘭

仁開

云折桂三秋欣有子采芹兩度詠從公華

亭莊

敬

云杏帷化洽三鱣集花縣歡迎一鶴隨皆紀

實也

明代鑛稅盛行天順間中使四出地方騷動知縣劉潔
以無術自經詳見縉雲虞給諫瑤恤民疏中畧云近

蒙欽差盧永前去採買銀課由是爲有司者不恤民艱乘時射利或饋送以爲名或買差而督辦剝削多端措剋無算是以強梁之徒乘機聚而爲盜有爭場而殺害人命有出境而掠劫人財以致雲和縣知縣劉潔恐生激變自縊身死所轄上司恐被逋累不敢疏聞所謂天下本無事因擾之而事多云云疏載縉雲文徵痛陳時弊最爲剴切吁鑛稅之害至於此極亦可慨也矣

宋熙甯間古碣云枯松身柏葉卽樺木也雲地古多樺今新碣關西橋有樹高二十餘丈司訓馮小宋璟詩

云枯貢早名州樺蕃未開縣按奇百代還空山祇一見

邑令陳芸蕙治策起家寒畯喜與民談穡事所至父老咸具壺殮相迎嘗賦勞農五古三章云涖縣未云久農事勤率作減從到東阡餉之以壺杓小大欣畢至歡然自交錯一杯足爲感甯嫌酒味薄官民禮數寬愛此中田樂邨落半花溪徐行犬不驚老嫗出槿籬白髮被幾莖苦茗敬相候厥意何真誠童孺五六輩宛然竹馬迎融融而怡怡相視欲忘形對此默無言熙皞傳丹青我本迂拙性寒酸久自堪髀骸雖有骨

名法所未諳匪邀慈惠聲樂意互相涵寒暑泯怨咨

風雨慶和甘靡俗易為孚脈脈暗生慙俱雲志

楊億至道中知處州與李起居書郡齋迴在霄漢石磴

盤曲策馬征登嵐靄滴衣烟霞滿目山棲志

楊孝本字行先居處州城西一圃甚幽邃學博行高東

坡謫惠州過而愛之為留月餘號曰玉巖居士生平

不娶坡每來謁直造其室嘗戲以元德秀呼之居士

曰某乃陽城之裔故坡詩曰眾謂元德秀自稱陽道

州皆謂無妻也居士後以經明行修得官太學年七

十致仕以奉議郎直秘閣領宮祠以歸泊宅編

明兩浙人物劉文成為謀臣之首宋文憲為文臣之首

方正學為忠臣之首于忠肅為功臣之首池北偶談

劉基以母喪至家營葬事時語所親以上必當有天下

之狀於是鄉里及隣附郡縣翕然心服方氏雖據温

台明三郡其士大夫皆仰基如景星慶雲上時使人

以手書訪軍國事於基其書多自製皆稱御諱頤首

奉書伯温老先生閣下而不名禮賢錄

誠意伯劉公疾革時語其子云吾家封爵當中絕然至

五世後應得武職從茲可傳繼矣至孫廌襲爵後果

被革宏治初詔錄公後為處州指揮使正五世矣時

嫡孫以罪繫獄有司脫桎梏而冠服之人以為奇遇

古今奇聞類紀

章溢奏定處州七縣稅糧比宋制畝加五合上特命青

田縣糧止作五合起科餘准所擬曰使劉伯溫子孫

世世為美談也

玉劍尊聞

章公溢始生時其音如鐘父母疑為不祥幾不舉及成

童嶷然莊重不習鄉井輕儇態至正壬辰斬寇犯龍

泉公與從子存仁避亂山中存仁為賊所得公曰吾

兄止有一子不可使無後挺身出語賊曰兒幼無所

知我願代之賊素聞公名方出重購求之及得公大

喜欲問計公正色曰若等皆有父母妻子顧為此滅

族事耶賊怒繫之柱磨其脇曰不降者死公曰吾終

不為不義屈賊壯之不敢加害公夜給守者乘間脫

歸避地閩中太祖以束帛召公遂起為佐命勲臣

勝錄

宋濂師事聞人夢吉又師吳萊萊師方韶父永康胡長

孺青田余學古學古師同邑王夢松夢松師王味道

味道則晦翁弟子也淵源之有自如此

金華雜識

胡絃試宰還謁忠定同時見者忠定同郡人某亦趙氏

趙知忠定不事修飾故易敝巾垢衫敗屣以見且能

昌誦忠定大廷對策忠定於稠人中首與之語且恨同姓同郡而曾未之識次至紘進自叙科第嘗階上游冀歸裏列忠定愀然曰若廟堂盡以前名用士則或非前名與不由科第者何由進神色不接紘未謁忠定嘗迂道謁考亭先生於武夷精舍先生待學子惟脫粟飯至茄熟則用薑醯浸三四枚共食胡之至考亭先生遇禮不能殊胡不悅退而語人曰此非人情隻雞樽酒山中未爲乏也道出衢從太守覓舟客次偶與水心先生遇時猶未第紘氣勢凌忽若宿與之不合者厲聲問先生曰高姓仙里先生應之曰永

嘉葉適紘又詰之曰足下何幹至此先生對曰親病求醫紘笑以手自搖紫窄帶歎曰此所謂親病在牀入山采藥先生憮然莫知其所以見訝者會太守素稔先生名遂命典謁語胡小埃先請葉學士胡尤不平沐爲名臣李公士穎子李公閒居龜溪去都最近沐以大臣子試二台適從忠定謁告爲親壽會士亦當遣中使賜藥若忠定欲榮沐諭以就持歸以賜沐對以遣使舊禮也恐不可以沐人子之榮而廢遣使忠定不樂頗以語侵沐韓侂胄欲圖忠定而莫有助之者謀之於某官某語侂胄曰公留某則可圖趙韓

遂於上前力留之後竟拜相某官既爲韓留則力薦
絃沐沐遂誣忠定爲不軌絃代擊考亭先生誣以歐
陽公被謗事又斥其輒廢校舍爲宅論水心先生所
著進策君德論以爲無君絃文逼柳柳州沐詩文灑
脫晚著易頗契奧旨其初未必盡出於媚韓也其積
忿嫉者已久臨大議頃不能平心耳鞏栗齋豐亦以
舍選前列謁丞相京鏗自叙其事京對鞏者無異於
忠定對絃鞏賢者也嘗歎京言之是未嘗怨尤惜其
不得絃位近時林一作凌次英以甲科第四人偃蹇半
世始得掌故都司聶善之面戒之云翌日君謝丞相

但須遜謝垂晚得祿切不可一字及科第居今之世

爲士大夫者亦不可不知此

四朝聞見錄

箕仙所作多有所驗建甯鄭子晉爲閩省理問所吏嘗
問其功名之事有詩云獨駕扁舟下紫芝三山夜夜
夢西歸不須更望長安道花老香山白板扉子晉不
逾月而卒龍泉湯良臣赴金陵聘之後予嘗爲其問
所除有詩云此君出處底匆匆路入金陵似夢中見
說椿花已零落一生事業逐秋風時其父已卒果丁
憂歸又胡仲淵正提兵取溫城適問他事其題詩云
金甲霜寒十載秋喪師蹙國盡虛謀西風不作封侯

夢此老安能正首邱讀者不知其所謂遂詰之曰此
贈胡參軍也次年胡移兵取建甯爲參政陳友定所
禽死於福州

徐大山江西人尹處州龍泉縣嘗有一僧獻一楮衾并
上以詩曰寒泉瀉出剡溪籐白勝秋霜冷若冰願比
一廉清似水梅花紙帳伴孤燈大山見之大喜因與
之宴

浙東僉憲余闕字廷心按吾郡時中秋夜望月嘗作一
詩題於分司官舍其詩曰玄武夕始正華月升秋旻
徘徊出西陸照耀此甌閩金波何穆穆綠枝滿中輪

餘波洞軒房紫蘭含微津皇天降豐歲王政亦已陳
樂哉一杯酒允矣同庶人此詩清婉藹然有與民同
樂之意後爲淮西宣慰守安慶孤城六年上下援絕
淮寇益熾城遂陷府前有一大池自刎死於池妻子
亦同死贈淮南行省右丞相平章政事諡文貞公其
先河西人伊吾兒氏

處之龍泉縣飛溪季君問妻萬氏守節不再適詠枕上
繡梅詩曰灑灑英標別一奇歲寒心事有誰知妾心
正欲同貞白枕上殷勤繡一枝至正己未青田寇侵
浦城西北隅徐嗣元女爲所掠嘗作詩曰萬水千山

去路賒青鞋踏破幾層沙登山絕頂重逢嶺渡水尤
深又復涯雁字祇傳夫與子魚書難寄母和爺回頭
遙望鄉關處雲下峯前是我家此詩寫其顛沛流離
之狀語意悲切

元亂之初處州薛氏子年甫弱冠早死一日其家僕上
馮公嶺暑甚浴於溪次忽見所亡薛氏子戎衣躍馬
帶徒而來遙呼其名僕甚訝之語卒屬曰汝歸告老
官人我今上帝差我為西帝築建德城遂引徒從而

去

俱草木子

名勝志載松陽縣東南臨大溪有古松樹大八十一圍

腹中空可坐二十人秦時物也

通志

晚行疎松間遙見青煙處羣牧下山遲斜陽半芳樹孤
雲駕回颺介水橫不渡傾意望迷人待月同歸步此
吾鄉沈庸齋詩全類淵明蓋自葉水心喜晚唐體世
遂靡然從之凡典雅之詩皆不合時聽劉后村云始
余厭之欲息唐律專造古體趙南塘謂言意深淺存
人胸襟不係體格若氣象廣大雖唐律不害為黃鐘
大呂否則手操雲和而驚颺駭電猶隱絃撥間庸
齋名說字惟肖由上庠登科主貫溪簿一年棄官去
再調天台教官纔終年遂不仕高橫槎題其詩集云

宦情薄於水吟鬢早爲霜蓋實錄也

枯蒼山明水秀人物如之淳祐己酉郡守史貳卿守之

夢處州出三魁明年趙順孫張元孫陳景行先後魁

省監

俱吹劍錄外集

紹興王華撰陶嵩墓誌銘曰陶君諱嵩字崇嶽成化甲

辰進士明年授官工部營繕司主事五年而陞員外

郎又八年擢都水司郎中出總理河道將行以疾卒

於京師時宏治丙辰二月丙子君方四十八年耳未

卒之三日君過余告行時余方飲客君扣門直入就

座飲盡懽衆皆罷去君獨畱謂余曰今日醉甚所不

辭於此君知之乎余曰故人遠去能相與爲斯須之
樂甚盛君曰然僕行職當治水思欲少効勞苦不復
得與君優游如今日可憐沿河諸處漲壞汗鬻民居
漂蕩漕旅艱阻所司乘畫舫鼓吹往來酣沈若無睹
縱未能別有建樹相繼修葺不惰亦決不廢墜至此
僕不自度竊謂濬新河以避三湖風浪之險修石隄
栽葦柳以防災塞沿流之決開下江之塞昔嘗與侍
郎陳公治決河方舉事而先君憂去每以爲慨今張
秋諸決口雖已成功而上流湍悍水道尙促其勢必
復爲患僕欲多疏築渠以分其怒出之大水然後益

培黃陵諸處相地爲防則運漕益便而山東諸郡可以長無水災此亦百年之利也予愕然曰崇嶽乃能是可謂志士忽拊髀起太息曰吾心則爾世事甯可料有不盡願君熟計教我躊躇久之遂辭去余思穿渠殺水此最善策但未知崇嶽所欲穿何地若穿不得當恐更爲災欲以次日往質不果又越兩日始得詣及門下馬聞哭聲則崇嶽死矣驚踊入門哭之甚哀其子堯仁率諸弟頓顙攀號遂請爲其墓之誌銘使求其家得士瑩集惕齋手稿及請復劉伯溫宋景濂二公官爵奏章又得新所爲治河便宜八事嗚呼

傷哉余尙忍銘吾崇嶽而尙忍復無銘

枯蒼
彙紀

縉雲縣城隍廟記城隍之神未見於古左傳祝宗用馬於四鄰又云祈於四鄰杜預以爲墉城也城隍之有祀也其濫觴於斯乎北史慕容儼鎮郢城城中先祠一所俗號城隍神隋書五行志梁武陵王紀祭城隍將烹牛忽有赤蛇繞牛口祀城隍始見於此至唐而益盛故張說有祭城隍之文杜子美詩有賽城隍之句然猶不列於祀典少溫記文可證也歐陽公跋云今天下皆有而縣則少是宋之城隍祠又盛於唐而縣猶不皆有祠洪武初從禮臣之請加以封爵京都

城隍曰昇福明靈王府曰威靈公州曰靈祐侯縣曰顯祐伯未幾詔去封爵祇稱某處城隍之神京都歲遣太常寺堂上官行禮諸府州縣則守台主之而祀典通於天下矣

潛研堂金石文跋

阮客者不見其名氏蓋縉雲之隱者也彼以遁俗爲高而終以無名於後世可以獲其志矣然聖人有所不取也陽冰欲稱其人而不顯其名字何哉豈阮客見稱於當時而陽冰不慮於後世耶夫士固有顯聞於一時而泯沒於萬世者矣顧其道何如也陽冰篆字世傳多矣此磨滅而僅存尤可惜也

集古錄

縉雲有葉醫術頗精一夕夢追至城隍主者戒云凡今北人虐南人蓋有數若南人恃北勢以虐南人者神明所甚怒罪無赦趙某者昔在福州殺人至多獲罪於天今使之得瘖疾而死或以穀二石酒二斗雞四隻相邀汝慎毋往不然逆天之罪不可違也然於次日必有葉氏亦以此數相償且有重獲也既覺惴惴然往廂中炷香甫歸家而趙氏果令人以物至相邀遂辭以疾次日葉府召醫疾愈以物酬謝乃雞酒穀如夢中數收功獲謝而趙則殂矣

癸辛雜志續集

處州府志修於雍正癸卯體例煩冗亦多疎舛如學校

門全載從祀諸賢歷代封號編年繫月幾盈一冊爲

詳所不當詳內稱壤子駟赤后子作蜀奚子容巖公

容公肩左人藝文門除真西山葉石林葉水心非處

州人遺集無須著錄外如俞文豹吹劍錄劉炎邇言

龔原易解葉味道四書說儀禮解經筵講義趙順孫

四書纂疏王夢松論語解學庸解孟子解易解書解

禮記解余學古大學辨問洪師中樂閒集季致平精

覽歸一圖解尹起莘綱目發明王毅訥齋集葉子奇

草木子案明史藝文志有太元本旨元理管窺王廉

交山集南征錄迂論劉基覆瓿集案明史藝文志有

所作犁眉公集文成集案明史藝文志禮賢錄翊運錄

多能鄙事天文秘畧觀象玩占玉洞金書靈棋經注

皇極經世解稽覽圖解一粒粟地理漫興三命奇談

滴天髓金彈子披肝露膽劉璉無隱集偈頌自怡集

劉璟越吟稿易齋稿恩遇錄聞見錄閑閑子集毛仲

理數啟鑰朱應鐘陽仲詩選鄭還圖學蒙談何鏗翠

微閣集枯蒼志枯蒼彙紀名山志樓公璩枯蒼志補

遺王一中瑞芝堂集經書疏解東巡疏草祿勳疏草

柱下焚餘李邦梁積石山房集老子元解劉應時易

解四書講義鄭賡唐兩漢語林春秋引斷讀易蒐鄭

汝諧論語意原何備西漢補遺孝經本說何侑覽古
史斷存齋集汪瑛抱關稿西巖集黃中西野奏疏南
窗紀竊集吹劍集葉仕甯知非集項應祥問夜集醯
雞齋稿國策膾林倚周禮綱目梁椅論語翼葉夢雲
通鑑發揮陳汝錫鶴溪集蔣存誠國子先生集林越
漢雋朱筠竹軒小集胡份鄱陽詩集牟承德指南集
劉澹然午溪集龔敦頤元祐建中列傳補管師常白
雲翁集鮑慎繇夷白堂集鮑彪書解杜詩註范霖歷
代編年圖鄭元祐遂昌山人雜錄山居集項壘山中
言志葉登龍讀易記陳康通鑑節要葉烜和陶集葉

復石山樵唱陳鎰午溪集潘初雉足稿潘伯濟巢雲
集黃池石樓文集祝金吟癡集吳允傳灤陰吟稿吳
紹生默齋集金文好生錄履素閒吟東遊稿葉炷遵
制錄椒山文集何燾四書集義春秋誅意效顰記蒼
螺錄青桂軒集蔣謐慰思集王潤孫易圖集解厲光
潛居集包瑜通鑑事類左傳事類葉愚如存集王濤
愚泉集葉叙用拙集鄭禧周易本義音釋范文正公
年譜東湖集吟鞭小稿周景辰東蒙集包文舉雨菴
集和陶集壁水集海岱集季仁壽讀書記四書質義
策樞通覽詩林鈞元弓冶錄春谷集吳廷桓咏史詩

處州府志 卷五
槐溪吟稿潘辰南屏遺稿潘援東厓摘稿王養端震
堂集黃九章秋水齋集葉澳四書註翼易通淇筠志
感黃九鼎湖山百咏徐應乾昌巖藏稿士林正鵠鄭
子壽漱芳堂稿鄭日強易說四書鏡哦松草葉曾梅
下餘言陳偕天台紀勝田君有太極道書說春秋管
見太元準易說參同契辨諸史類考李灝憫志稿王
用臣明志錄懺菴初二三集葉永華藕孔集讀書日
記河圖衍義童進思溪上吟童子離騷葉芳萼西崑
集幸存衷甌廬集皆不著錄爲畧所不當畧

處州自張荔園提唱宗風後進靡然效之鮮有治經史

者涂瀾莊郡伯力挽其弊揭白鹿洞學規於蓮城書
院創栝蒼九先生祠率諸生行釋菜禮屬屠菹渚作
釋菜說懸之講堂屆課期親詣書院校其優劣而進
退之近如麗水學生葉攀龍陳廣皆能背誦十三經
乙亥學使按試闔郡默寫十三經及九經五經者多
至二十餘人士蒸蒸知向學矣九先生者宋松陽葉
石林夢得潘叔度景憲項平甫安世龍泉葉水心適
真西山德秀遂昌尹耕道起莘及明青田劉伯溫基
麗水何振卿鐘王石門一中案宋史葉夢得吳縣人
真德秀浦城人葉適永嘉人處州府志列入人物傳

乃作志者誇飾之故習據以躋之鄉先生中殊嫌假借况夢得係蔡京門客亦膺俎豆尤爲不類惜未敢請於郡伯重釐正也

南明山在郡城南三里許曲磴盤雲奇石夾道寺在山腹有印月池小瀑布石梁獻花巖大觀壇高陽洞諸勝出高陽洞口緣厓數十步有亭翼然倚巖壁間卽擬滁亭舊址今山僧重葺者登此則郡城萬舍歷歷可數壁上摩厓隸書靈崇二字相傳爲葛稚川書又南明山三字相傳爲米海岳書何蔚文以不見於碑志及歷代題跋爲疑錢蘭坡錕曰唐時始開山晉人

先題壁欲爲作僞者迴護殊難措語

白雲寺在郡城北十里白雲山之巔建於元至正中山趾爲白雲亭上數里爲冷泉亭又數里爲鏡心池琳宮紺宇隱竹樹間極幽邃乾隆初寺僧廣陵精內典

善草書今山門孤雲臥此中萬山拜其下聯語其手書也余又見其自畫對鏡小照題語機鋒雋妙是有夙根者

遂昌縣志載尹廷高字仲明號六峯大德間任處州路儒學教授顧嗣立元詩選小傳又稱其嘗掌教永嘉秩滿至京謝病歸與志不合永嘉志亦不載其名案

廷高所撰玉井樵唱中有永嘉書所見詩云此邦幸

小稔竊祿似有緣又有永嘉任滿代者未至詩則廷

高仕甌實非無據遂昌志失考也廷高父名棟號竹坡宋寶祐間嘗為

紹興府幕官見此君亭詩話

葉石林在南宋初為文章者宿然本蔡京門客章惇姻

家其女嫁惇孫冲故南渡後所作諸書尚尊熙甯抑元祐如

石林詩話中多推重王安石摘歐蘇詩句斥為險譚

避暑錄話中斥老蘇辨奸論又紀曉嵐尚書嘗摘其

論詩賦一條為王安石罷詩賦解也葉源一條為蔡

京禁讀史解也王姬一條為蔡京改公主曰帝姬解

也見四庫全書提要今處州府志既誤入人物傳而蓮城書

院崇祀鄉先生即據以增入以紹聖餘黨且非處州

人乃躋之九先生之列不一核以詩傳何也

真山民始末不可考案四庫全書真山民集提要云宋

末竄跡隱淪所至好題詩因傳於世或自呼山民因

以稱之或云李生喬嘗歎其不愧乃祖文忠西山真

德秀號西山謚文忠以是疑其姓真或云本名桂芳

栝蒼人宋末嘗登進士要之亡國遣民鴻冥物外自

成採薇之志本不求見知於世世亦無從而知之姓

名里籍疑皆好事者以意為之未必遽確真山民集宋藝文志

不著錄明焦竑經籍志蒐宋人詩集頗備亦不載其名江湖小集始收之亦多未備今四庫全書據鮑氏知不足齋本著錄俱梅籜隨筆

崇因寺在龍泉縣東金鼇山之北舊有銅鐘一口大數十圍時或飛去初有一行脚僧鳩銅鑄此鐘去之日曰俟我去三日而後擊僧去寺主即登樓撞之聲達八十里自後凡扣鐘八十里外不聞也鐘忽一夕在稽聖潭又一夕在吳岱山塢寺僧視之但聞鐘腹有咆哮聲而風雨逼人無可為計翼夜其鐘自還又有木魚在東廊長丈許唐物也宋時有竊而載之舟中者風波洶湧懼而返之明正德八年寺火而木魚無

恙又有石筆一枝出地尺餘圍三尺根深丈許通志引彙

紀名勝志

粵西太平府距城十餘里有大橘樹蔭一二畝蛇虺蟄其下每霜後紅實垂垂多至數石人相戒不敢食縉雲一明經宦遊過其地摘啖之已而就邸邸主見其目赤大駭曰君得毋啖橘實耶勿累我急驅之出少頃徧體發腫仆地自躍躍不已先脫兩臂又脫二股化爲巨蛇入橘林而去萼鄉贅筆

孫吳天紀四年晉大舉伐吳孫皓遣丞相軍師張悌迎戰吳師敗績諸將與五六百人退走迎悌不肯去諸

葛靚自往曳之悌言身徇社稷復何遁耶靚流涕放
之去百餘步已見悌爲晉軍所殺時臨海松陽人柳
榮從悌至楊府榮病死船中二日軍士已上岸無埋
之者忽然大呼言人縛軍師聲激揚遂活人問之榮
曰上天北斗門下卒見人縛張悌意中大愕不覺大
呼言何以縛軍師門下人怒榮叱逐使去榮便云怖
懼口餘聲發揚耳其日悌戰死榮至晉元帝時猶在
事見搜神記按處州屬邑惟松陽置縣最早三國時
回浦地亦併入松陽屬臨海郡柳榮可列人物而魏
晉以前郡縣志均無記載因附錄之

黃宗義今水經載永嘉江源自遂昌經松陽至處州府
城南二里爲大溪東至青田縣又合龍泉松溪諸水
東南流至温州府北爲永嘉江又東入於海似支派
源流尙無大錯但龍泉慶元在府城上游慶元之水
半入於閩惟梅溪潭水下查田達龍泉滙龍泉雲和
諸水至大港口合松遂水經府治并會縉雲好溪水
以達青田至温州慶元本龍泉松源鄉松溪當作松
源非青田下游謂大溪東至青田合龍泉松溪水東
南流至温州則誤也

漢人每傳會星象指斥宮闈傾陷執政言之恐不詳占

之若必驗而其端則始於史墨惟左傳晚出亦安知不由漢人傳會枯蒼因處士星見得名本是傳會若星專爲一郡而見者青田乾隆志謂楊越公知兵相度形勢因置處州取于時處處之義固是妄斷青田新志按辨處州命名因處士星見必隋時本有其說見於他書而隋書偶遺之亦屬臆測不得其解而強爲之辭與註經改經何異今簡策流傳傳會已久幾爲不刊之論則處字應讀如杵從上聲不應誤作去聲然解上聲者鮮亦習焉不察也

郡城姜山懸藜閣爲元高東嘉撰琵琶記院本處文人

每多題詠亦有因厚誣古人非之者考後漢書註蔡邕父名棱字伯直周氏書影云邕早喪二親叔父撫之是邕實少孤也葺鄉贅筆引周達觀雜說云唐牛相國僧孺子名繁與鄉人蔡生同舉進士才蔡生欲以女弟妻之蔡已有妻趙氏力辭不得遂成婚氏與趙相得甚歡蔡後官節度使則誠蓋借用此事必以邕名實之可怪也持論誠是前郡守劉在園咏懸藜閣詩云琵琶一曲寫幽懷自是千秋絕妙才歌舞場中傳故事蔡邕真個狀元來亦爲古人辨誣然傳奇託名假借終不能誣古人特難爲野老村氓解也

困學紀聞載或試縣學見黜後預鄉薦以啟謝縣令有
不平之意令答云大敵勇小敵怯昔固有之今日是
前日非吾無愧矣潛邱閻氏注云宋處州士子終場
者六人三與選謝主司云同矍圃之觀人去者半存
者半類孔門之取友益者三損者三案此亦枯州藝
苑佳話也惟不載姓氏里居科分亦無可考

龍泉季元衡儉說曰貪饗以招辱不若儉而守廉干請
以犯義不若儉而全節侵牟以聚仇不若儉而養福
放肆以逐欲不若儉而安性皆要言也亦見困學紀
聞

慶元縣志列胡絃於人物舊志亦有傳絃未第時亦欲
依附道學謁朱子於武夷祇以脫粟一飯銜憾不平
粉飾媒孽沈繼祖藁絃實手投激成黨禍學禁愈急
而國事益非湯思退阿附取容縣志削而不書跡絃
生平殆有甚於湯者志乘卽列傳稱賢而信史具在
也乾隆初浙江通志按論凡立朝大節有虧雖名位
甚崇概從刪削絃在刪削之列今第存名不載舊志
原傳

宋甯宗慶元元年以明州乃潛邸所在升爲慶元府三
年析龍泉之松源鄉置慶元縣王應麟乃慶元府鄞

人慶元縣志強以應麟列入人物並附會里居列名
選舉前知縣董大本爲建進士坊應麟父僞嘉定癸
未進士知徽州有惠政民稱清白太守弟應鳳相繼
中博學宏詞科子昌世孫厚孫甯孫皆有學行則概
不之及道光四年邑人田家修承知縣樂韶命表厥
宅里撰王伯厚先生故里記是樂亦董大本流也
當朱文公之嚮用也門人附之者衆及黨議興士之清
修者深入山林以避禍貪榮畏罪者至易衣巾攜妓
於湖山都市之間以自別麗水吳君棣獨躡屩入武
夷授四書每日爲課文公多所與可公大書思齊二

字以屬之吳因以自名其齋云見四朝聞見錄舊志
人物獨遺之濁世清流亦極應表著者

宋遺民錄載宋文憲所撰吳思齊傳吳思齊字子善處
之麗水人祖深有奇才永康陳亮以子妻之遂來家
永康父遂武學博士官至朝散郎知廣德軍思齊少
穎悟倣邃爲古文卽可誦季父國子監丞天澤器之
悉授以所學遂用辭章家知名尋由任子入官監臨
安府新城稅鎖廳試漕司中舉上禮部不利後從常
調爲嘉興縣丞會合以言去攝縣事縣獄多留繫思
齊坐獄戶讞問凡株連疑罪悉簡出之死刑多平反

慶州府志卷之
事有檢覆得實郡首吏持之上下承望不敢動亟聞
部使者黜之郡有盜殺其黨于貨獄蔓延不決下思
齊議思齊曰盜攘盜貨與民殊科獄久不斷者由吏
教囚以贓累民爾若正其殺人罪置寄贓不問則得
矣慮囚者如其言民有育人之子者恒出入父母家
一旦忽不知所往其父訟求之思齊召父母至庭一
訊而情無隱卒白其事提點刑獄洪起畏辟思齊類
田吏或謂通籍可立致思齊曰斂怨以干祿非策之
上也辭尋監戶部犒賞酒庫起畏時守鎮江復檄入
幕府起畏議築城思齊諫曰京口以長江爲天塹城

之何爲卽城徒厲民耳其役遂輟賈似道喪母上將
以太常鹵簿臨其喪禮部侍郎文及翁欲上疏言懼
禍且中止思齊曰叱嗟而母婢也公不可默也未幾
遷饒州節制司準備差遣監察御史俞漸以論謝堂
出爲太府少卿畱夢炎當國言堂有勳籍漸劾之過
思齊曰公宅百揆畏勢家而屈臺論天下其謂何似
道丞相堂貴威力能生殺人思齊以小官中其諱惡
不虞宣泄人爲危之而思齊弗顧也俄不願仕請監
南嶽廟流寓桐廬婦翁方登嘗知饒州以思齊賢每
謀以自近思齊不樂依婦勢避去性好施與兄弟孤

慶州府志 卷之二
三
女無歸者嫁之比鄰免女欲殺者全之死無以歛手足者棺之宦游十年田無半畝之增後值宋改物家益艱虞至無儋石之儲有勸之仕者輒謝曰譬猶處子業已嫁矣雖凍餓者不能更二夫也中遇寒疾耳失聽交游苦其聾語未畢馳去獨嫠方鳳粵謝翹睦方燾劇談每至夜指畫手書傍觀咄咄而畧無倦意先墓在麗水不能數歸省歲時必遙望隕涕因自號全歸誓不失身以病父母也思齊天性真慤雖行人所難坦然不見崖異心知有是非不知有毀譽禍福學者尊其行爭師之方鳳評思齊之爲人如徐積陳

師道君子不以爲過大德辛丑年六十四手編聖賢順正考終之事曰俟命錄錄成賦詩別諸友遂卒臨卒神明湛然無怛化意所著書有左氏傳闕疑擬周公瑾平荊州碑魏司馬孚贊汐社詩集陳亮葉適二家文選又做真德秀文章正宗輯宋一代詩文卷表多未就子三人翼之拱之成之拱之蚤卒案四朝聞見錄載麗水吳君棣以思齊名其齋乃甯宗時人吳思齊字子善係度宗時人舊志列入忠義今仍之竝錄宋文憲全傳以昭亮節

四朝聞見錄載葉洪字子大爲紹翁鄉人年少負才不

羈慶元間疾侂胄而未有間洪館於韓氏卽侂胄族子蓋駿兒也以后戚預內宴洪代爲之書徑入於御其最切至處云侂胄弄權不已必至弄兵甯宗以示侂胄跡所爲書則洪也除名仕籍編管者十六年嘉定初盡復其官洪旋終於任

青田縣志載王令尹夢中判斷秦檜謀陷岳武穆一事宋高宗與武穆均臨質證元咍與衛侯訟復見於青田令夢中矣真是囁語不可以訓景甯縣志載謝康樂嘲神女於浣紗潭事旣荒誕不經詩亦俚褻竝從芟薙

秦少游監栝州酒稅青田曇法師於溪南法安寺築室居之因賦二絕云竹柏蕭森溪水南道人爲作小圓菴市區收罷魚豚稅來與彌陀共一龕此身分付一蒲團靜對蕭蕭玉數竿便爲老僧煎茗粥自攜修綆汲清寒二詩竝載蘇詩補遺題爲絕句三首第三首詞意不相聯屬且市區收稅與坡公宦蹟不合宋施元之註蘓詩四十二卷鏤版於嘉泰間現行施註蘇詩四十二卷外有補遺二卷蓋商邱宋氏本當是增訂時博采誤收復益一絕作三首耳

栝蒼金石志載晁端彥美叔南明山題名跋稱美叔爲

慶州府志 卷之
晁无咎四世孫按美叔於熙甯間提點兩浙刑獄蘇
文忠於熙甯八年乙卯由杭倅移守高密有懷西湖
寄晁美叔同年詩公舉進士乃仁宗嘉祐元年美叔
於神宗時後公莅浙哲宗元祐六年辛未公知潁州
次年移揚州次韻晁无咎學士相迎詩有少年獨識
晁新城有子不爲謀置錐語蓋无咎父曾宰新城公
於无咎亦年在紀羣之間不啻父執而於美叔固同
年也无咎字補之與黃魯直秦少游張文潛號元祐
四學士維時距美叔登第仕宦已三十餘年矣不知
金石志憑何傳會因按文忠年譜詩集辨證之

栝蒼林公慶有讀西臺慟哭記弔謝臯羽文栝王筠另
有識劉文成亦有詩具見宋遺民錄林王舊志無名
事跡無考又載陶九成跋林景曦傳云吳興王筠菴
先生國器示予以所藏唐義士傳讀之不覺令人泣
下蓋羅雲溪先生所撰也及見遂昌鄭明德先生所
書林義士事跡有五詩與前所錄語句微有不同云
鄭名元祐其所載事跡稱太學生林德暘字景曦並
載林三詩云一杯未築珠宮土雙匣親傳竺國經只
有東風知此意年年杜宇哭冬青空山急雨洗巖花
金粟堆寒起暮鴉水到蘭亭更嗚咽不知真帖落誰

家喬山弓劍未成灰玉匣珠襦一夜開猶記去年寒
食日天家一騎捧香來餘詩尤悽怨云縣志舊志亦
不載

遂昌縣志修於道光乙未體例乖謬記載蕪雜幾於不
勝指摘時吳世涵羈滯京邸當事者列其名於參校
及歸書已刊布賦詩自明云不校蘭臺校此書燃藜
老子合嗤余是非無異看秦鹿點畫何曾刊魯魚陳
壽自求千斛米馬卿方就一封車憑人碌碌題名姓
京洛歸遲恨有餘詩載又其次齋集陳壽秦鹿等語
慨乎言之非第羞與噲伍恥居盧後也當日操觚之

徒概可知已

嘉慶乙亥學使汪瑟菴侍郎以烟雨樓鶯花亭命題試
士遂昌戴縉烟兩樓云俯瞰春城似畫圖一天烟雨
影模糊霏霏瓣落梨雲濕滑滑聲爭竹徑呼高檻依
然平雉堞前溪錯認是鴛湖當年衙散登臨日笠屐
風流比大蘇鶯花亭云百花深處囀鶯兒喚醒孤亭
客醉時薄遣任他馳白簡舊班無復綴彤墀綉蘭結
佩靈均賦丸藥飛聲杜老詩宋代銅駝荆棘裏留傳
獨有黨人碑縉字蓮峯力學能詩淡泊寡營課徒自
給從游甚衆多所造就屢躡棘闈以明經老歿後子

孫陵替遺藁散佚矣

麗水縣湯志鼇一百歲 葉常滑一百歲 潘作楫一百歲 江雲光一百歲

桑開祿妻潘氏一百歲 陳典一百歲 胡雲福妻王氏一百歲

謝雲松一百歲 妻李氏一百歲 吳景鳳一百歲 邱勝輝一百歲

朱忠盛一百歲 周繼炆妻李氏一百歲 吳漢雲一百歲 梁

榮宗九十歲 譚鳳翥妻許氏九十歲

青田縣吳成舉年逾百旬 徐承訓年逾百旬 葉聖飛年逾百旬

管奉達年逾百旬 陳用中年逾百旬 李錫棟九十歲 李錫福九十歲 洪

李永昌年逾百旬 李錫棟九十歲 李錫福九十歲 王金財百四

管作廷年逾百旬 登極恩賞銀建坊

妻陳氏九十歲 葉秀昌年逾百旬 陳月仁百四

徐聖傑九十歲 葉文和九十歲 劉晉臣妻張氏百歲 葉連

宗妻郭氏百三歲 請建坊 季金聲妻夏氏百三歲 陳

其業妻施氏百歲 夏欽洲妻陳氏年逾百旬 湯志遠九

周培鑑妻彭氏百歲 陶志錫妻管氏百歲 湯志遠九

夏宗顯九十歲 吳雨田七十歲

縉雲縣朱開垣九十歲 朱邦瓊九十二歲 羊獻廷九

羊獻謨九十歲 胡瑞顯九十四歲 梅思明九十二歲

羊光普九十歲 王廷超九十三歲 李寅百八 田垓

樊通百三歲 朱標潘熠俱百歲 呂瑗百一歲 麻壁九十九歲

汪應賢盧達

俱九十
七歲

王斌王象鄭希曾吳開

俱九十
六歲

丁傳虞玖李鏞汪廷器

俱九十
五歲

王朴朱璉徐逢朱文

華

俱九十
四歲

李餘光陶程朱晨興李南趙懷積范威盧

明德

俱九十
三歲

趙紹之朱耀

俱九十
二歲

樊增施璿陳昉李

高李鍵李鈺

俱九十
一歲

杜炳呂梁樊性杜陽春呂國璜

丁天祐麻邦愛

俱九十
十歲

鄭先

誥

俱百
二歲

樓閣春朱維翰呂孟庸黃金印李榮昌林元

雱邵汝榮朱九高胡老昌

俱百
歲

蔣維賢曹承富邱必

雲蔡日金劉王魁舒梅姿沈德申蔣上奇

俱九十
七歲

趙

景賢盧景餘潘大昌胡毓英孫祿南郭元財王丙禮

王丙安杜金環葉正夏楊大元楊肇蒼朱萬齡張啟

化梅成坤丁紹禹

俱九十
六歲

趙景芝李春鳳楊王叨潘

老滿陳仲祥宋汝治蔣明光俞秉勳李老時麻秀侯

陳周發丁五昌樊李岳張明田攀芝

俱九十
五歲

楊開鞏

楊昌吳施連串金高明劉王魁蔣方卿梅丙若應德

川楊光菊朱曾有朱李旭胡瑞顯李耀清麻景祥樊

聯三張以栢張洪源朱新貴朱曾遊劉作朋丁國治

黃開張田子然劉通章

俱九十
四歲

胡景南趙鳳天黃文

善劉四富趙國輔朱開機呂天方盧樓生胡明奇胡

方儒楊昌廷應文蔚宋資深宋文高盧景趨盧開階

馬正聚陶遐齡施朱旺王春聲應德朝鄭文安鄭純
 信蔣春灝呂彩元施旭杜如禮杜甘兒杜雲光羊子
 操田成泰朱志廉丁作淋周日彩俱九十黃錫貴周
 天球劉虞魁鄭陳開王嘉官盧善蘇盧美初朱肇昌
 丁恒翼呂旭邦呂旭榮施志明施日有樓學川施詞
 元杜維聖陶良雲麻秀進金周松田升侯袁銀壽麻
 永林葉明穀沈于疆盧兆玉盧炳智朱大宗王貴陵
 楊有質羊伯多楊開道柯天助朱紹庚俱九十陳維
 高金思元蔡東球林其陶陳紹禹盧景元盧志還呂
 宗雲盧文聰盧老秋何子諭羊子輕羊光然樊海恒

盧中邦盧有德施開紅李三翰李雄九虞雲宗施調
 恒王思榮鄭大綸鄭道德李漢賡施聯聘施福仁楊
 昌巖楊華山田獻疇田百寶馬福妙吳桐皓陶祖悅
 沈于高徐雲亮胡國福黃法廳周朱秀曹時堂王富
 有楊光足胡廷祿邱老巧應尙志趙景芝蔣春檜鄧
 叔新俱九十王老端樓昌儀施朱旺黃嘉壽朱時芬
 朱振玉曹啟瑛羊光淑羊光澤李忠廣羊大富羊大
 紋呂鷹揚呂載葑呂普壽盧善堯李和鼎李景貞羊
 葛羊宗怡盧獻松盧禮琴呂載勳蔣錫疇梅文思虞
 兆榮李景鳳李景山王業鄭鳳翔鄭日章楊王猷楊

景武丁景衢丁德松麻永脩樊陽官應老巧劉巧兒
賈王月施含璧施紹緒虞時新虞法益陳有富陳良
開潘瑞回俞德光梅開發應老同鄭雲龍江克本施
朱慶陳周元陳良恭田梅德田榮玉徐舜禹虛明新
蔣作智陶如宜陶如定金王宗張福奎周朱壽朱燠
周星訓周一寶周德璋周世印王繼新徐開有曹承
恭張陳祖吳德松施繼榮俱九歲趙宗之妻周氏百三歲
呂顏官妻陸氏呂煥卿妻周氏盧施沛妻胡氏俞冬
南妻蔡氏俱百歲呂叔容妻俞氏呂崇妻厲氏李正芝
妻朱氏麻繼法妻呂氏陶仁勇妻周氏呂廷光妻柳

氏應正甲妻杜氏楊有雲妻李氏吳魁生妻倪氏李

景南妻嚴氏陶仁海妻周氏呂伯侯妻杜氏呂敦禹

妻黃氏呂玉林妻李氏俱百歲

遂昌縣張如陵現年九十三歲羅璋衍現年九十歲
歲四代同堂四代同堂

慶元縣李兆顯九十五歲黃家昌九十七歲鍾聲高妻凌氏年逾百旬

雲和縣徐發旺百歲嘉慶十四年嘉慶十四年李大清百歲嘉慶十四年嘉慶十四年饒玉簡百二

歲道光十年李光壽百二歲鄭紹裘九十歲咸豐五年欽賜七葉衍祥扁額

景甯縣吳金富百有二歲俱照縣志登載九十以上

處州府志卷末雜志終

處州府志卷末雜志

